

Jesucristoi jáđovaiye báque

Apocalipsis

Mamabuinore coyuiyebu Juan mácu ùi toivacaiye báquede Jesucristoi jáđovaiye báquede ùi mácure. Juan mácu barejaquémavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Ùi mamicu Santiago bácuque moa boaipóecu bácu barejaquémavu, Jesús órejaquiye jipocare ùi mácure. Lucas bácu coyurejaquemavu Juan mácu borore Hch 3:1-4:22. Éfeso ámicurímarocavu Jesúre ju aivure coreipóecu barejaquémavu. Iye jáđovaiye báquede járejaquemavu ùi cue báquede jabova ne buoimu Patmos ámicurijivavi (1:9). Apevu ne dápaiyepe, toivacarejaquemavu iyoca paperayocare ùi cuede nore. Ùbenita apevu ne dápaiyepe, toivacarejaquemavu diyocare ùi cuede Éfeso ámicurímaroi o apeno ímaroi, ùi mácure ne jaetovaríburu yóbore no jivavure jocarí. Toivacarejaquemavu Jesúre ju aipóeva cójijivavure siete paiñamia cójijiñamiai Asia ámicurijoborói (1:4). Póecu cubebi majicu ye uju ùi toivacaiyu bácaróre diyocare, ùbenita obedivu ne dápaiyepe ániñua báquede 94-98 d.C. baji. Caiye ape toivaiye Majepacu Jümenijicui yávaiye mamaene coyuitucuboque toivaiye báquede ne toivaríburu yóbore, Juan mácu toivacarejaquemavu diyocare.

Juan mácu coyurejaquemavu diyocaque ùi jáino mácaróre Jesucristo meacu bajure, ñai toivaicójeñu mácu ùi mácure caiye iye ùi jáđovaiye baquiyéde ùi mácure (cap. 1). Ina coreipóeva mácavure Jesúre ju aipóevare siete painoa ímaroacavu bácvure toivacarejaquemavu paperayocare (caps. 2-3). No yóboi, toivacarejaquemavu parure dacuy Jesúre ju aipóeva ñájivure ne ju aiye boje, ne majinajiyepa ayu aipe vaiquiyede ijárvavi buojaijávavure, Jesucristoi vainí taquiyede abujuvai jabocure jaruvarí aru mamajárvavu báquiyede máre.

Juan ùi coyurí buino

1 ¹Iye coyuiyebu Jesucristoi coreóvare ðaiyue póevare. Jümenijicu coreóvare ðaicójequemavu Jesucristore iyede úre memecaivure, ne coreóvarájiyepa ayu iye vaiquiyede maumena. Que baru ùi daroquemavu cüinácu ùi ángelede ji yebai, ùi jáđovaiyepa ayu yure, Jüare, úre memecayure, aipe tequinore ijárvavi. ²Yu coyucuijivü mujare caiye ji jáiye báquede, Jesucristo ùi coyüino mácaró jáve bajure yure Jümenijicui yávaiyede.

³Torojucuyume ñai jári boroteyu ji toivaiye báquede iye Jümenijicui yávaiyede coyucuiyede apévure. Aru torojurájarama ina jápiaivü diede aru ju arí ðaivü yópe iye toivaiye ðaicójeiyepe. Maumena vaiquiyebu caiye iye.

Juan ùi meaicójeino ina Jesúre ju aipóeva cójijivavure

(Mt 24.30; Mr 13.26; Lc 21.27; Jn 19.34, 37; Hch 26.23; Col 1.18; 1 Ts 4.17; Ap 1.17, 4.5, 5.10, 20.6, 22.13)

⁴Yu, Juan, toivacaiyü iyoca paperayocare mujare, siete paiyajuboare Jesúre ju aipóevare Asia ámicurijoborói. Jümenijicu mearo ðacajacurí mujare bojecubeda ùi me boje aru torojurivü mije úmei me cure ðajacurí mujare úque cárijimevüva. Que ðacajacurí mujare Jümenijicu, ñai cücü caride, aru cücü bácu javede, aru dacuy apejávavure. Aru que ðacajarári mujare ina siete paivü decova curivü Jümenijicu jabocui dobaró mearo jipocai. ⁵Que ðacajacurí mujare Jesucristo, ñai coyuyü

bácu yávaiyede jävene Jümenijicurã pũ ne yaváiyeta úre, aru mamarũmũ nacajañũ mácu yainore jarũvarĩ, aru cõjeñũ caivu ina ijãravucavũ jabovare. Ñai Jesucristorecabe ucũ majare. Majarecabu ñajijurorivũ maje ãmeina teiye boje. Ubenita ñi ue boje majare, úrecabe boarĩ jaruvaicõjeñũ mácu ñi bajure, bojedacuyũ majare ñi jiveque, maje ãmeina teiyede jarũvarĩ. ⁶Úrecabe epeyũ majare ñi jaboteimara marájivũva aru sacerdoteva bárãjivũva máre, maje memecarãjiyepe ayũ ñi mearore jímure, jípacure. Mearore jíjarãri caivu Jesucristore, ñai parucũ caivũ pũeno cainũmũa. Quédecabu.

⁷Jájara. Cristo dacuyũme ocopeniboaque. Caivũ põeva jãrajarama úre, ina úre pẽvaivũ bácvũ jocucũjaravena. Aru caiyajuboa põeyajubocavũ Jesúre jũ abevũ chĩori orãjarama ne jidúe boje, ne jáiyede úre ãmeñũre cavarõre jocarĩ. Quédecabu.

⁸Maje jabocũ Jümenijicu, yõpe arĩ, coyuyũbe, “Yürecabu búyũ bácu aru yõbocacũ máre. Que baru cũvũ yũ cainũmũa”, arĩ coyuyũbe Jümenijicu, ñai parucũ caivũ pũeno. Que baru ñi cubi caride, aru currejaquemavũ javede, aru dacuyũme apejãravũ baquinõre máre.

Juan ñi jáino Cristo meacũ bajure
(Ap 1.8, 2.8, 22.13)

⁹Yũ, Juan, mujecubũ, maje jũ aiye boje Jesucristore. Cũrivũbu maja úque cüinãvũpe. Yũ máre ñãjivũ mujapedeca. Aru Jesucristo parure ñaibi yũre máre yõpe ñi parure ñaiyepe mujare, maje napinajiyepẽ ayũ maje ñãjiyede. Aru jabotede ñacuyũme majare úque. Cútecacũ yũ jabova ne buoimũ Patmos ãmicurijjavũ, ji coyuiye báque boje Jümenijicui yávaiyede Jesucristorã.

¹⁰Nore ji cuedẽ ñai Espíritu Santo dápiacõjeame yũre. Aru jápiacacũ ji yõboi yávaino bujinore, yõpe trompeta ãmicuriyo japuiyore japuiyepẽ. ¹¹Ñai yávayũ yure coyúame, yõpe arĩ:

—Toivajacũ caiye mi jáiyede caride pãpãrayoca ñimujuriyoca cãriáiyocaque.

Aru toivarĩburu yõboi jarojacũ diyocare diyajuboa siete paiyajuboa Jesúre jũ aipõevare Asia ãmicurijoborõi. Diyajuboa põeva cũrivũbu Éfeso, Esmirna, Pérgamo, Tiatira, Sardis, Filadelfia, aru Laodicea ãmicurĩmaroai.

Nõpe arĩ, toivaicõjeame yũre.

¹²Copedicacũ, jácuyũ úre, ñai yávayũre yũre. Copedini jácacũ siete paijaraboa pẽoibũa tuoijaraboa úruque ñaijaraboare. ¹³Aru dijaraboa coricai cúteame cüinãcu ñmũ. Maja, põevape páyũ bateáme ñ. Doame ñmujuricaje cuitótecaje ñi cubobaita eaicajede aru buoáme úruque ñaicãvare ñi ñareba cüinãturu baji. ¹⁴⁻¹⁵Ûi podã boe matuiye bateãvũ yõpe oveja podã lana ãmicuripodape, aru abobico jujurõpe máre. Ûi yacorũa cojiteavũ yõpe toa uruiyepẽ, aru ñi cuboba cojidiba bateãvũ yõpe tãure toaijide ñarĩburu yõbope. Aru ñi yávaino jápurateavũ yõpe cũratãcuve uratãcuve bujinore. ¹⁶Cuvateame ñi pũrũ meapũravucãpũrũi siete paivũ abiãcovare. Ûi jijecamure jocarĩ etavũ cüinãve boaicarove caipũcãpũravũa upũjidivepe. Aru ñi jiva pẽoãvũ yõpe aviã pẽoiyepẽ jãravũ coricare.

¹⁷Ji jáiyede úre, tucacũ yũ ñi cuboba yebai yõpe yaiyá bácupe.

Quénora tuoáme yũre ñi pũrũ meapũravucãpũrũque. Aru áme yũre:

—Jidubejacũ mũ. Yürecabu búyũ bácu aru yõbocacũ máre. Que baru cũvũ yũ cainũmũa. ¹⁸Yürecabu apucũ cainũmũa. Yãvacari yaidéjacacũ. Ubenita apũvũ yũ cojedeca. Aru apũcũyũmũ cainũmũa. Quédecabu. Yürecabu llavede cãvãcũ yaivũ bácvũ ne cũrõre máre. Que baru yürecabu buojayũ nũicõjeñũ põevare toabo cüiméboi. ¹⁹Que baru toivajacũ caride mi jáiyede aru aipe vaiquíyede yõbore máre. ²⁰Que baru coyũquijivũ mũre caride aipe aiyurõre ina siete paivũ abiãcovare, mi jáimara cũrivũre ji pũrũ meapũravucãpũrũi, aru ijaraboa siete paijaraboa pẽoibũa tuoijaraboa úruque ñaijaraboare máre. Diebu aru námu Jümenijicui jádovameno

jipocamia ũbenita jáđovaino caride. Jēvari coyũvu ina siete paivu abiacovape paivure. Nárecabu yópe ina siete paivu coreipðevape, Jesúre ju aipðeva cójjivaivũ diĩmaroai siete paiĩmaroacavũ ne coreipðevape. Aru jēvari coyũvũ ijaraboa siete paijaraboare. Dijaraboarecabu yópe siete paiyajuboape Jesúre ju aipðeva ne yajuboa cójjivaivũ diĩmaroa, siete paiĩmaroai.

Que arĩ, coyũáme yure.

Juan ũi toivacaino Éfesocavũ Jesúre ju aipðevare

(Ap 22.2)

2 ¹Que arĩ, toivaicðeame yure. —Toivajacu ũre, ñai coreipðecũre Jesúre ju aipðeva cójjivaivũre Éfeso āmicũriĩmaroi. Yópe arĩ, toivajacu mũ: “Yópe arĩ, coyũibi ñai cũvacũ ina siete paivu abiacovare ũi pũũ meapũravũcapũũ, ñai cũcũ ijaraboa siete paijaraboa pēoibua tũoijaraboa jēneboi. ²Coreóvaivũ yũ mi memēinore, memecayure ũetũyureca, aru mi napini ñájijede máre. Coreóvaivũ yũ ye buojabecũre napiñũ pōeva āmenare, aru jári coreóvayure ina, ‘Ñujamu Jesúre ju aivũre ne daroimara coyũrājivũ Jesús ũi yáviye méne’, mi majiquiyepere aivũre ũbenina jáve maru ne coyũino. Que teniburu, coreóvaivũ mũ Jesúre ju aivũre ne daroimara ānevũre. Quénora borocũrivũ na. ³Coreóvaivũ yũ ũetũbecũva napiñũre mi ñájijede yure boje dajocabecũva.

⁴Ūbenita cũináro mi đainore āmeina jáivũ yũ. Quijino bajuta ũvũ mũ yure caride. Mamarũmũre ũteavũ mũ yure pare mi ũmei. Ūbenita caride dajocavũ mũ mi ũede yure. ⁵Caride ārujacũ yure javede mi pare ũe báquepe. Chĩori jaruvajacu mi āmeina teiyede. Aru oatuvajacu mi đaiyede, đacũyũ yópe mi đaiye báquepe mamarũmũre mi coreóvaivũre yure. Pare ũteavũ mũ. Ūbenita que đaiyũbecũ baru, ũbecũ bacũyũmũ mũ yure. Que baru mi

yebai darĩ, mi pēoibua tũoijarabore ĩni, nũvacũyũmũ đijarabore mure jocarĩ.

⁶Ūbenita cũináro mi đainore me jáivũ yũ, mi āmeina jáiyede ina nicolaíta āmicũriyajubocavũ ne đaiyede. Yũ máre āmeina jáivũ ne đaiyede.

⁷Caivũ me jápiajarā ñai Espĩritu Santoi coyũiyede Jesúre ju aipðeva cójjivaivũre: ‘Ina mũjacavũ vainĩ tũivũre āmenore jarũvarĩ āicðjecũyũmũ yũ Jũmenijicũi jioba coricacacũ jocũcũ jēiduare, apũre đaijocũcũ dicũ āmiá’, arĩ coyũyũbe ñai Espĩritu Santo’, arĩ toivaicðeame yure.

Juan ũi toivacaino Esmirnacavũ

Jesúre ju aipðevare

(Ap 1.17, 20.14, 21.8, 22.13)

⁸Bedióva cojedeca yópe āme yure. —Toivajacu ũre, ñai coreipðecũre Jesúre ju aipðeva cójjivaivũre Esmirna āmicũriĩmaroi. Yópe arĩ, toivajacu mũ: “Yópe arĩ, coyũibi ñai búyũ bácu aru yóbocacũ máre, ñai yaiyá bácu nacajañũ mácu apũcũ cojedeca. Que baru cũvũ yũ cainũmũ. ⁹Coreóvaivũ yũ mi ñájijede yure boje. Coreóvaivũ mure cũve cũvabecũre máre. Ūbenita jáve ũre cũve cũvavũ mũ Jũmenijicũi cũve méne. Aru coreóvaivũ yũ caiye iye ne āmeina yáviyede mi borore ina ‘Judíovabu ñũja’ ũbenina aivũre. Ūbenita judíova baju āmema na. Quénora nárecabu Satanás jina. Aru cójjivaivũbu, memecarājivũ ũre.

¹⁰Jidũbejacũ mi ñájiquinore. Jájacũ. Ñai abujuvai jacobũ buore đacũyũme apevũ mũjacavũre āmeina teivũre jēni jacoĩñami, jári coreóvacũyũ mũje ju aiyede yure. Cairũcapũũre paijāravũba baquiyéde ñájinajaramu mũja. Ju ajacu yure pũ mi yaiyeta. Que teyure, yũ bojedacũyũmũ mure me. Mure cũre đacũyũmũ jāravũ cũiméjāravũ baquinóre yúque.

¹¹Caivũ me jápiajarā ñai Espĩritu Santoi coyũiyede Jesúre ju aipðeva cójjivaivũre: ‘Ina mũjacavũ vainĩ tũivũre āmenore jarũvarĩ numenajarama toaboi cũiméboi’, arĩ

coyuyube ñai Espíritu Santo”, arí toivaicōjeame yure.

**Juan ñi toivacaino Pérgamocavu
Jesúre ju aipōevare
(Jn 6.48-50)**

¹²Bedióva cojedeca yópe áme yure.

—Toivajacu ére, ñai coreipōecure Jesúre ju aipōeva cójijivaivure Pérgamo ámicuríimaroí. Yópe arí, toivajacu mu: “Yópe arí, coyuyibi ñai cuvacu ive boaicarove cairucapūravua upujidivede.

¹³Coreóvaivu yu mi curōre. Mu cuvū nore Satanás ñi jaboteinore, ñi jaboteimara jēneboi. Ūbenita nore cucuvacari, me ju ayubu mu yure. Ānijāravū bácarō Satanás jina ne boarí jaruvaiye báquede Ántipas bácare, ðajocabeteavū mi ju aiyede yure. (Ñai Ántipas bácu coyuyi barejáme yáviyede jāvene yurā pu ne boarí jaruvaiyeta ére.) Boarí jaruvaima ũ mácure no mi ímaro, Satanái curōí.

¹⁴Ūbenita apejie mi ðaiyede ámeina jáivu yu. Apevu mujacavu curívu ðaivubu yópe Balaam mácu ñi bueiye báquepe. Javede ñai Balaam mácu majicarejaquemavu Balac bácare ñi ámeina ðare ðaquiyepe ayu ina Israecavu bácare. Áicōjenejaquemavu na mácare áiyede pépeimarare ne jíye báquede. Aru ámeina ðaicōjenejaquemavu na mácare apevuque némarebucava ámevuque máre. Nópe Balac bácare ðaicōjenejaquemavu Balaam mácu. ¹⁵Quédeca apevu mujacavu ðaivubu yópe ina nicolaíta ámicuríyajubocavu ne bueiyepe.

¹⁶Que barureca chíori jaruvajacu mi ámeina teiyede. Aru oatuvajacu mi ðaiyede. Ūbenita mi que ðaiyubedu, maumena dacuyumu yu mi yebai, ádamatecuyū náre, ina Balaam mácu ðaiyepe ðaivure aru ina nicolaítava ne ðaiyepe ðaivure máre, ive boaicarove etaiyeque ji jijecamure jocarí.

¹⁷Caivu me jápiajarā ñai Espíritu Santoi coyuyiede Jesúre ju aipōeva cójijivaivure: ‘Ina mujacavu vainí

tuivure ámenore jaruvarí áicōjecuyumu yu áiye me cavarō mearo Jūmenijicui curōquede, iye áiye yaveiyede ijāravucavure jocarí. Aru jícuymu náre coapa cūináibo curajibo borijibore. Dijiborā toivaino cuvū cūináro ámiá mamaro ámiáre. Aru ina jacopurājivu quévura coreóvarājarama no ámiáre. Apecu cubecube coreóvayū no ámiáre’, arí coyuyibi ñai Espíritu Santo”, arí toivaicōjeame yure.

**Juan ñi toivacaino Tiatiracavu Jesúre
ju aipōevare
(Mt 16.27)**

¹⁸Bedióva cojedeca yópe áme yure.

—Toivajacu ére, ñai coreipōecure Jesúre ju aipōeva cójijivaivure Tiatira ámicuríimaroí. Yópe arí, toivajacu mu: “Yópe arí, coyuyibi Jūmenijicui mácu, ñai yacorua cojididua cucu aru ñi cuboba máre cojidiba yópe táure toaijide ðaríburu yóbope. ¹⁹Coreóvaivu yu mi ðainore. Aru majivu ucure yure aru apevure máre, ju ayure yure, memecayure Jūmenijicure, aru napiñure mi ñájiyede máre. Coreóvaivu mi ðaino mearore. Mearo ðaivu mu caride mamarumu ju ayu yure mi ðaino mácarō pueno.

²⁰Ūbenita cūináro mi ðainore ámeina jáivu yu. Mu jaetovabevu nomióre ōi ámiá Jezabel. Ō muje jēneboi ‘Jūmenijicui yáviyede coyucapōecobu yu’, ūbenina aibico ō. Ōi bueiyeque jujovaibico ina yure memecavure. Que baru ámeina ðare ðaibico náre apevuque némarebucava ámevuque. Aru áre ðaibico náre áiyede pépeimarare ne jíye báquede máre. ²¹Joe coreniduivu yu ōi chíori oatuvacojiyepe ayu ōi ðaiyede, ōi jaruvacojiyepe ayu náre ōi ámeina tede ðaiyede jaruvarí. Ūbenita oatuvaiyubebico ō. ²²Que baru ñájine ðacuyumu óre pare. Aru ijimo macoðome ō, paraðo ōi parainoi. Aru ina óque ámeina ðaivu bácare ne chíori oatuvabedu ne ámeina ðaiyede ópe, paraicōjecuyumu náre máre ōpedeca, pare ne ñájinajiyepa ayu. ²³Aru boarí

jaruvacuyumu caivu ina òi jajovaimara mácavure, mamara majarórivure paivure.

¹Que ñariburú caivu Jesúre ju aipóeva cójjiivaivu coreóvarājarama. Yurecabu coreóvayú caivu pōevare caiye ne dápiayede aru caiye ne uede máre. Que baru bojedacuyumu mujare coapa yópe mujé ñaiye báquepedeca. ²⁴Ëbenita mujacarpuravú Tiatiracavú ñabevú yópe òi bueiyepe. Coreóvayúbevu muja iye Satanái majié yaveiyede apevu ne ñaiyepe. Cúbevu apeno ji ñaicójeino mujare copu. ²⁵Quénora ñajará yópe ji coyuiyepe ji yávaiye méne pu ji copaidaiyeta.

²⁶⁻²⁷‘Ina mujacavú vainí tuivure ámenore jaruvarí aru ñaiyure yópe ji urópe pu ne yayieta, jabotede ñacuyumu náre cainoa joboróacavure iye parúéque yópe jipacuí jabotede ñaiye báquepe yure. Jabotenjarama náre parúéque. Que baru cainoa joboróacavú ne ju abedu, ñarājarama náre yópe jobojorure boarí yavaiyepe abodo táuque ñaiyure. ²⁸Aru cuvare ñacuyumu náre ñai abíacorú pēoñú miadare ñaiyede.

²⁹‘Caivu me japijará ñai Espiritu Santoi coyuiyede Jesúre ju aipóeva cójjiivaivure’, arí toivaicójeame yure.

Juan ñi toivacaino Sardicavú Jesúre ju aipóevare

(Mt 10.32, 24.43-44; Lc 12.8, 39-40; Ap 16.15, 20.12)

3 ¹Bediáva cojedeca yópe áme yure. —Toivajacú ñre, ñai coreipóecure Jesúre ju aipóeva cójjiivaivure Sardis ámicuríimaroí. Yópe arí, toivajacú mu: ‘Yópe arí, coyuíbi ñai daroyú Espiritu Santore Jesúre ju aivu ne cójjiñamiai siete paíimaroái aru cuvacu ina siete paivu abíacovare máre. Coreóvayú yu aipe ñayure mure. Ëbenina arí, ‘Ñayube Jūmenijicú urópe ñi parúéque’, coyúivubu mura. Ëbenita coateyú bajubu mu Jūmenijicure jaruvarí. ²Jūracucu, jabónvayú buojabevú mu mi memecaiyede jocarí Jūmenijicure.

Que baru Jūmenijicú ámeina jáimi mure. Que baru cāñure ámejacú mu. Pueno parure ñarí ju are nure ñajacú mívure ne ũmei, ina coatebevure cāreja Jūmenijicure jaruvarí, ne coateni bñjabenajiyepere ayú ñre jaruvarí. ³Que baru áñure ñajacú caiye iye Jūmenijicú yávaiye méne ne bueiyede mi japiyaiye báquede. Diede japiarí, ju arí, chíori oatuvajacú mi ñaiyede, jaruvacuyú mi ámeina teiyede. Ëbenita nópe mi ñabedu, dacuyumu yu mi yebai yópe ñavaipevu ñi ñaiyepe. Aru ji daquinumure ye majibecuyumu mu.

⁴Ëbenita obebeñina curivubu no Sardis ámicuríimaroí ámene ñabevú, yópe pōeva docutede ñabepe ne cuitótecajeare, ne ñaiye boje yópe Jūmenijicú urópe. Nárecabu dorājivú cuitótecajea boricajeare aru curājivú yúque. Que ñarājarama me, ne napini coreiye boje Jūmenijicú jýe báquede náre.

⁵‘Ina mujacavú vainí tuivú ámenore jaruvarí náre paivu cuitótecajea boricajeare dorājarama. Ne ámiá toivaino mácaróre ánitucubo Jūmenijicú paperatucubo, caivu ina jaravú cúiméjaravú baquinóre cuvrajivú yúque ne ámiare toivaitucubore túreni jaruvabecuyumu yu ne ámiare. Quénora, ‘Ji pōevatamu na’, arí coyucuyumu jipacuí jáinore aru ñi ángeleva máre ne jáiyede.

⁶‘Caivu me japijará ñai Espiritu Santoi coyuiyede Jesúre ju aipóeva cójjiivaivure’, arí toivaicójeame yure.

Juan ñi toivacaino Filadelfiacavú Jesúre ju aipóevare

(Ap 21.2)

⁷Bediáva cojedeca yópe áme yure. —Toivajacú ñre, ñai coreipóecure Jesúre ju aipóeva cójjiivaivure Filadelfia ámicuríimaroí. Yópe arí, toivajacú mu: ‘Yópe arí, coyuíbi ñai meacu baju, memecayú Jūmenijicure, aru javene bueyú máre. Ërecabe cuvacu llavede, ñai jabocu David bácu jino mácaróre. Yópe pōecuí voaiyepe

bieivede aru bieicōjemepe apevure dive, nopedeca ũi ðaicōjeiyede pōevare ape, ñame buojabenama ðaicōjemevu náre diede. Aru yópe pōescu bieniburu yóbore dive máre, voaicōjemepe apevure dive, nopedeca ũi ðaicōjemene pōevare ape, ñame buojabenama ðaicōjeivu náre diede.

⁸Coreóvaivu yu aipe ðayure mure. Coreóvaivu yu obebejina mívu curivure memecarājivure yure. Ju aivu mu ji yávaiyede. Aru 'Jesucristobe' ji jabocu', ju arí soyuivu mu. Que baru jēvari soyurí, yópe pōescu apescure ecoicōjeiyepede jedevacobe bieivede voarí aru apescure bieicōjemepe dive, nopedeca mure memecaicōjeivu yure. Aru pōescu cubebi mure memecaicōjemeni majicu.

⁹Soyuivu mure ne borore ina 'Judíovabu ñuja' aivure, ũbenita judíova baju amema na. Quénora Satanás jinatamu cójijivaivu memecarājivure ũre. Náreca ñuatutare ðascuyumu yu mi cuboba yebai, ne coreóvarājivure ayu ji baju ũcure mure. ¹⁰Narivu mu mi ñájivure yópe ji ðaicōjeiyepede báquepe mure. Que baru jári coresuyumu yu mure mi ñájine ðaiyede. Caivu ijárvacavu Jesucristore ju abevu ne ñájinajivure javu náre. ũbenita mure caðatecuyumu yu, mi ñájimequiyepede ayu iye ñájiovaiyeque. ¹¹Maumena ðascuyumu yu. Ðajacu yópe mi bueiyepe ji yávaiye méne apescu ũi ímequiyepede ayu mi bojede mure.

¹²Ina mujacavu vainí tuivure amonore jaruvarí epescuyumu jabova parurivuna Jūmenijicuí cūrami jívui yópe bucporarua parure ðaiyepede cūramine. Aru etabenajarama na nore jocarí cainumua. Aru toivacuyumu yu nára Jūmenijicuí amíare, aru Jūmenijicuí ímaro amíare máre. No mamaro ímaro Jerusalén amicūrōtamu. Ēmequiyebu cavarō mearo Jūmenijicuí curōre jocarí. Aru toivacuyumu nára ji amía mamarore máre.

¹³'Caivu me jápiajará ñai Espíritu Santoi soyuivure Jesúre ju aipōeva cójijivaivure', arí toivaicōjeame yure.

Juan ũi toivacaino Laodiceavnu

Jesúre ju aipōevare

(Jn 1.3, 16.33; Col 1.15, 18;

He 12.6; Ap 5.5)

¹⁴Bedíova cojedeca yópe áme yure.

—Toivajacu ũre, ñai coreipōescure Jesúre ju aipōeva cójijivaivure Laodicea amicūrīmaroi. Yópe arí, toivajacu mu: "Yópe arí, soyuivi dajocabescu, ñai soyuivure yávaiyede javene Jūmenijicūrā pu ne boarí jaruvaiyeta ũre. ũrecabe Jūmenijicuí caiyede cuedare ðaimu mácu. ¹⁵Coreóvaivu yu aipe ðayure mure. Coreóvaivu yu maucuvabescu yure yópe jujuteyure. Aru coreóvaivu yu memecabescu mi ũmei yópe toaijiteyure. Mu ju ayuvacari yure, majiéda quénora ju ayubu. Yópe oco avia ũi boiyeque toaijide ðaiocore ũcuiyubepe maja, nopedeca mi majiéda ju aiyede yure ũbevnu yu. Mi me ju arí memecaru yure, yópe toaijiteyure meajebu. Mi ju abeni maucuvaru yure, yópe jujuteyure, meamejebu. ũbenita mi ju aipe boje yure majiéda quénora, pueno baju meamevnu. Que baru coavajacu mi baju yure jaruvarí o memecajacu yure mi ũmei. ¹⁶ũbenita mi ðabe boje yópe ji urōre majiéda toaijicupebu mu. Que baru jaruvacuyumu mure yure jocarí yópe ji jēcutuivure oco majiéda toaijiede ji jijecamure jocarí.

¹⁷'Múcapūravnu 'ũre cūve cūvavnu yu', aríduivnu mu. Aru 'Apejīe ye jaubevnu yure', aríduivnu mu. Aru 'Caiye cūinátarū me nuivnu yure ji majié boje', aríduivnu mu. ũbenita ye coreóvabescu mu mi baju chíõñure, yópe cōmaje ārojacupe, cūve cūvabescu, jári eabescu, aru cuitótecaje cūvabescu máre. Yópe jári eabescu ũi jári eabepe ijárvacuede, nopedeca majide eabevnu mu Jūmenijicuí jiede. Aru yópe cuitótecaje cūvabescu ũi cūyepede, nopedeca cūyevnu mu mi amaina teiye boje Jūmenijicuí jáinore.

¹⁸Que baru majicayubu mure aipe ðaiyepede jarūre mure. Yópe pōescu bojedaiyepede ũrure mearo baju toaijide ðaino

mácaröre, mü jäve cüve cüvaiyücsü baru, ijácsü yure iye méne ji cüvaede. Dinümü maquinóre jäve cüvacüyütmü mü ıgarō méne Jūmenijicü jiede. Aru yóre pōescü ĩni bojedaiyere cuitótecaje boricajede üi doquiyepe üi bajure cüyoje tebecüyü, yóre ämeina teiyede joaimü mácspe bájacü mü ji yaiye boje, cüyoje tebecüyü mi ämeina teiye boje. Aru yóre pōescü ĩni bojedaiyere yaco taiyóiyede, üi me jári eaquiyepe ayü üi epequiyepe, me jápiarı adajacu iye bueiyepe Jūmenijicü yávaiyede, me majicüyü diede. ¹⁹Yürecabu coreóvare ðayü caivü ji ımarare ne ämeina teiyede aru ñájine ðayü náre die boje máre. Que baru püeno baju ðaiyüjacü Jūmenijicü ıgōpe. Chıori jarüvajacü mi ämeina teiyede. Aru oatüvajacü mi ðaiyede.

²⁰Jájacu. Yóre pōescü núcsü cūrami bieñamine jedevai ecoiyücspe, mautescüyü diñamicavüque, nopedeca yü mauteiyüvü müque. Yóre üi órejaiyere diñamicavüre, ne majinajiyere ayü cücspe, aru ne voaräjiyere ayü bieivede, nopedeca mi coreóvayiede yü mauteiyücspe müque, mauteicōjejacü yüre. Dinümümica jícsü bájacü mü. Mi mauteicōjeiyede yüre müque, mautescüyütmü müque. Aru yóre pōeva ne torojüere cójijini äivü, nopedeca me cüräjaramü maja. Yü mi yóvaimü macüyütmü. Aru mü ji yóvaimü macüyütmü.

²¹Ina müjacavü vainı tüivüre ämenore jarüvarı dobaicōjescüyütmü yúque jabocü ji dobarō mearoi, mi jabotenajiyere ayü yúque. Quédeca vainı türejacacü yü ämenore jarüvarı. Aru caride dohavü yü jıpasüque jabocü üi dobarō mearoi, jaboteyü úque.

²²'Caivü me jápiarä ñai Espiritu Santoi coyüiyede Jesüre jü aipōeva cójijivaivüre", arı toivaicōjeame yüre.

Juan üi coyüino cavarō mearocavü ne mearore jíyede Jūmenijicüre
(Ap 1.4, 8.5, 11.19, 16.18)

4 ¹No yóboi jácsacü yü cojedeca jedevacobe bieivede voaicobe

bácaröre cavarō mearo Jūmenijicü cüröi ecoicobede. Jápiacacü cojedeca iye yávainore, ji mamarümü jápaiye báquede büjiépe yóre trompeta ämicürıyo japuiyore japuiyere. Ñai yávayü yüre coyüáme, yóre arı:

—Dajacü yo cavarō mearoi. Mure jádovacüyübu iye vaiquíye jané yóbore, arı coyüáme yüre.

²Dinümümiareca ñai Espiritu Santo dápiacōjeame yüre. Jácsacü cūináro jabocü dobarō mearore no cavarō mearo Jūmenijicü cüröi. Aru jácsacü cūinácu dobacüre noi. ³Ñai dobacü noi yóre cūrajıbo pare bojecürıjıbo cojidıjıboape ärojacü cojiteame. Jaspe ämicürıjıbo pare cojidıjıbope aru cornalina ämicürıjıbo jüarıjıbope ärojacü cojiteame ü. Aru jabocü dobarō mearo tarabuteni náme cūteame. Ñai náme cojiteame yóre apebo cūrajıbo pare bojecürıjıbo esmeralda ämicürıjıbope. ⁴Jabocü dobarō mearo yebai apenoa jabovai dobarōa mearoa veinticuatro painoa yóre meatarabu dobarı jäpurıno mateävü. Aru die coapa dobateima veinticuatro paivü bucüva, doivü cuitótecajea boricajeare aru ne jıprobü cüvateima úruque ðaitarabuare máre. ⁵No jabocü dobarō mearo coricacaröre jocarı yaroino, yávaino büjino, aru öpo tüino máre etavü. No jabocü dobarō mearo coricacarō jıpcacı cūteävü siete paivea cämavea pēoivea cojiéque. Diedecabu ina siete paivü Jūmenijicü decova. ⁶Aru no jabocü dobarō mearo coricacarō jıpcacı cūteävü apeða yóre jia urada jıvarupe paıya, übenita me jári javaiyoiya bateävü diya.

No jabocü dobarō mearo coricacarō tarabuteni yóvaicüvaitöbuacapuravüai cūteima yóvaicüvaivü arüvıvü. Aru ina arüvıvü cūteima yacorüa caıpcapuravüa jıpcare aru yóbore máre. ⁷Cūinácu nácsacü yavi jüacspe ärojateame. Apescü yóre oteivescpe ärojateame. Apescü arücsü ümüre ärojateame üi jıva. Aru apescü yóre mıyavıpe, águila ämicücsü vüyüre, ärojateame. ⁸Ina yóvaicüvaivü arüvıvü

cuvavivũ seis paicavea ne caveá náre coapa. Aru cuvateima yacorua caino ne caveái, pñenocapũravni aru cãchinocapũravni máre. Jãravure aru ñamine máre dajocabevũva yópe aivũ bateima:

Meacube, meacube, meacube maje jabocu Jũmenijicu. Êrecabe parucu caivũ pñeno. Êrecabe cucu bácu javede, cucu caride, aru dascũy aprejãravũ baquinóre, aivũ bateima na.

⁹Ina arũrivũ mearore jivũ, pueðaivũ aru torojuede jivũ bateima ñai dobacure no jabocui dobarõ mearo coricacarõi, ñai cuscure cainũmua.

¹⁰Ne nópe ðaiyedeca, ina veinticuatro paivũ bucũva pueðarĩ ñuatutaima êre dobacure no jabocui dobarõ mearo coricacarõi ñi jipocai. Mearore jĩma êre, cuscure cainũmua. Duvaima ne jipobũ adaitarabũare jabocui dobarõ mearo jipocai. Aru yópe aima êre:

¹¹Mũ, ñũje jabocu Jũmenijicu, mũrecabu caiyede cuedayũ bácu. Caiye iye mi cuedaiye báque cuvũ yópe mi urõpe. Que baru mi meacu baju boje, ñũje mearore jíye aru ñũje pueðaiye máre javũvũ mure aru ñũje coreðvãrãjijye mi parueðe máre, arĩ coyũima na.

Juan ñi coyũino iyoca paperayoca ñmũjũriyoca cãriáiycarã aru Cristorã, ovejajicure ne aimura, máre
(*Jn 1.29, 16.33; 1 Co 5.7; Ap 1.6, 3.21, 8.3, 20.6*)

5 ¹Jãcasu ñai dobacure jabocui dobarõ mearo coricacarõra ñi pũrũ meapũravũcapũrũ cũináyoca paperayoca ñmũjũriyoca cãriáiycare. Caipũcapũravũva toivaiyoca bateávũ. Aru diyoca jedeva tũrvai bieino mãcarõ mateávũ yópe jũturijoboyabea jãjariyabea siete paiyabeaque. ²Aru jãcasu yũ cũinãcu ángele parucure jẽniari jãñure yãvaino bujinoque, yópe arĩ:

—¿Namema meacu baju burarĩ majicu iyabea siete paiyabea jãjariyabeare,

voascũy iyoca cãriáiycare? arĩ jẽniari jáme.

³Ûbenita cũinãcu cubeteame buojarĩ voayũ diyabeare. Cavarõ mearocacu cubeteame. Ijãravũcacu cubeteame. Aru yaivũ bácvũ ne cũrõcacu máre cubeteame. Cũinãcu cubeteame buojarĩ voayũ diyabeare, jãcũyũ diyocare.

⁴Que baru yũcapũravũ ocacu pare, ne eabe boje cũinãcu meacu bajure, ñi voaquiyepe ayũ diyabeare, jãcũyũ diyocare. ⁵Ûbenita cũinãcu ina veinticuatro paivũ bucũvacacu, yópe arĩ, coyũame yure:

—Obejacu mũ. Ñai parucu Judã ãmicũriyãjubocacu león ãmicũcu yavipe páyũ daibi. Ñai jabocu David bácuĩ pãrãmecu meacu bajube ñi. Êrecabe javede vainĩ tũyũ bácu ãmenore jarũvarĩ. Que baru ñi macũyũme burarĩ buojayũ iyabea siete paiyabea jãjariyabeare aru voarĩ buojayũ diyoca cãriáiycare, arĩ coyũame yure.

⁶Dinũmũ jãcasu cũinãcu ovejajicure no jabocui dobarõ mearo coricacarõ yebai ina yóvaicũvaivũ arũrivũ aru ina veinticuatro paivũ bucũva ne jẽneboi. Boarĩ jarũvaimũ mãcũpe ãrojãcũvacari núteame ñi nore. Cũteame siete pajjavaroa aru siete paidũa ñi yacorua. Diedecabu ina siete paivũ Jũmenijicui decova ñi darioimara mãcvũ cainoa jorborõai. ⁷Ñai ovejajicu nũri íame diyoca cãriáiycare ñai dobacure ñi pũrũ meapũravũcapũrũre jocarĩ. ⁸Ûi nore íyedeca, ina yóvaicũvaivũ arũrivũ aru ina veinticuatro bucũva máre pueðarĩ ñuatutaima ñai ovejajicui jipocai. Cuvateima biabeiboare arpa ãmicũriboare ne pũrũ náre coapa. Aru cuvateima jororua úruque ðaidũare mũmijue buidũdũare máre náre coapa. Jẽvari coyũrĩ diedecabu yópe Jũmenijicui põeva ne boroteiyepe paiye êque. ⁹Aru yópe arĩ, yũriaima cũinãro yũriaino mamarore:

Mũrecabu meacu baju. Que baru iyoca cãriáiycare ñi, jãjariyabeare burarĩ buojavũ mũ. Meacu bajubũ, mure ne

boarí jaruvaiye báque boje. Murecabu bojedayu bácu pōevare mi jiveque ne vainí turí ãmeina teiyede jaruvarí, Jūmenijicui pōeva marajiyépe ayu. Bojedarejaquemavu mū náre, caiyajuboa pōeyajuboacavure, aru caicamu yávaicamuacavure, cainoa ñmaroacavure, aru caijaborōacavure máre. ¹⁰Epeivū mū náre, ne jabotenajiyere ayu máque aru ne memecarājiyere ayu majeracu Jūmenijicure sacerdotevape. Aru nárecabu jabotenajivu ijāravucavure, arí yūriaima na.

¹¹Bedióva cojedeca jácacu. Aru jápiacacu obedivu ángeleva ne yávaivede. Jabocui dobarō mearo coricacarō tarabuteni ina yóvaicuvaiyu aruvure aru ina veinticuatro paivu bucuvare máre ne dobarōa yóbore cūteima ina ángeleva, tarabuteni. Obedimillones baju bateima na. ¹²Aru yópe arí, cođoboboima:

Ñai ovejajicu, ne boarí jaruvaimu mácvacari, meacu bajube. Que baru caivure mearore jíye javuvū úre. Yópe arí, coyujarāri na: “Úrecabe caiye parúede cvacu, aru caiye cve upacu, caiyede coreóvayū, aru caiyede ñaiye majicu máre”. Que baru caivu pueđajarāri úre, mearore jíjarāri úre, aru torojuede jíjarāri úre máre, aima na.

¹³Aru jápiacacu yu obedivu yūriavure. Caivu cavarō mearo Jūmenijicui curōcavu, aru caivu ijāravucavu, caivu yaivu bácvu ne curōcavu, aru caivu jia urāđacavu máre, caivu Jūmenijicui cveđaimara yūriaima, yópe arí:

—Ñai dobcure jabocui dobarō mearo coricacarōra aru ñai ovejajicure máre, caivu mearore jínajarevu, aru náre pueđarājarevu cainmua. Nárecabu pñeno meara baju aru paruvu baju caivu pñeno cainmua, arí yūriaima na.

¹⁴Ina yóvaicuvaiyu aruvū, “Quēdecabu”, aima na. Aru ina

veinticuatro paivu bucava ñuatutaima, mearore jínajivu ñai cūcure cainmua.

Juan ñi coyūino iye siete paiyabea jājariyabearā

(Mt 24.29; Mr 13.24-25; Lc 21.25, 23.30; Ap 11.13, 16.18, 20)

6 ¹No yóbore, jácacu Cristore, ovejajicu ne aimure, burayure cūináyabede iye siete paiyabea jājariyabeaque. Aru jápiacacu cūinácu ina aruvucacure ayure ñi yávaino bujinoque yópe oño tūinope. Yópe arí, “Dajacu”, áme ũ. ²Jácacu cūinácu caballo bocure. Ñai tubacu úra cvacu ñi témutarabure ñi purui. Jímu mateáme cūinátarabu jipobu adaitarabure yópe ne jíyere ñai vainí tuyure. Etame vainí tuyu arevure jocarí, aru vainí tucuyú máre.

³Ñai ovejajicu ñi buraiyede apeyabe jājariyabede, jápiacacu apecu ina aruvucacure, “Dajacu” ayure. ⁴Que aiyeda, etame apecu caballo, júacu. Ñai tubacu úra adamatete ñaicōjeimu mateáme ijāravucavure, ne boarí jaruvarājiyere ayu ne baju. Que teni cārijimenore cūiné ñaicōjeimu mateáme. Cvateame cūináve boaicarove ũmujurivede.

⁵No yóboi, ñai ovejajicu ñi buraiyede apeyabe jājariyabede, jápiacacu apecu ina aruvucacure, “Dajacu” ayure. Jácacu cūinácu caballo ñemicure. Ñai tubacu úra cvateame cūináro ducúede corevainore ñi purui. ⁶Jápiacacu apeno yávainore yópe. Jápurateavū ina yóvaicuvaiyu aruvū jēnebore. Yópe arí, coyuvāvū:

—Cūiná kilo quénora trigo ámicue páu ñaiye bojedarí eaino mávu pōecu cūinájaravure ñi memeiye báque bojeque. Aru yóbecurikilos quénora cebada ámicue páu ñaiye bojedarí eaino mávu pōecu cūinájaravure ñi memeiye báque bojeque. Ubenita ámedebjacu olivo ámicuricu jēidua córore aru vino úyaicorore máre, arí coyuvāvū.

⁷No yóboi, ñai ovejajicu ñi buraiyede apeyabe jājariyabede, jápiacacu apecu

ina arurivuscasure, “Dajacu” ayure.

⁸Jácacu cūinácu caballo cūrajumescure. Ñai tubacu éra Yaino ámicucu. Aru ũi yóbore dáme cūinácu, Toabo cūimébo ámicucu. Boarí jaruvaicōjeimara mateima ina obedivu pōeva ijāravucavu. Caivu ijāravucavu yópe yóvaicuvaiavu yajuboa teni, yópe cūináyajubocavu boarí jaruvaicōjeimara mateima na boainoque, aru ávnéque, duica ijéque, aru áimara jjesurivunque máre.

⁹No yóboi, ñai ovejajicu ũi buraiyede areyabe jājariyabede, jácacu apevu yaivu bācavu ne ũmene. Caivu ina boarí jaruvaimara mácavure ne coyuiye báque boje Jūmenijicui yávaiyede, ne ũmene jácacu yu Jūmenijicure jícaiye de juaiva cāchinoi. Dajocabevuva “Jāvemu” arí coyurejaquemavu Jesucristoi yávaiye méne. ¹⁰Bujíe cođoboborí, yópe aima:

—Mu, ñuje jabocu, caivure cōjeñu, meacu baju, aru jāveque coyuyubu.

¿Joe baju corede đacuyurū mu ñujare “Boropateivubu muja”, mi aiyeta ijāravucavure Jesucristore ju abevure? ¿Aru joe baju corede đacuyurū mu ñujare mi ñájine đaiyeta náre ne boarí jaruvaiye báque boje ñujare? cođoboborí aima na.

¹¹Ina yaivu bācavu jímara mateima ne cuitótecajea boricajeare. Aru coyuímara mateima iye yávaiyede:

—Jabuóvarā cāreja pu ne boarí jaruvaiyeta caivu ina mujevu memecaivure Jūmenijicure. Boarí jaruvaimara marajárama mujape, Jūmenijicui yávaiyede coyuiye boje, jápiaima na.

¹²No yóboi, jácacu ñai ovejajicu ũi buraiyede areyabe jājariyabede. Pare cújivavū caino joborō. Avia ñemiteame yópe pōeva ne doiyepe ñeminicajede, orājivu yaivu bācavure. Aru avia ñamicacu jūacu bajura bateáme yópe jivepe. ¹³Ina abiacova tuima cavarōre jocarí, yópe jocucu jēidua tuiyepe jocucure jocarí ũmevu pare japuiyede. ¹⁴No cavarō bjavū, yópe toivaiye báque bñaiyepere paperayocare cāriáriburu yóboi. Aru caicúa cūracúa, caiye

jiavua máre jaruvavū die curōre jocarí.

¹⁵Dinumure caivu jabova, aru cōjeivu, churaravai jabova, cūve cūvarivu, parurivu, yebacavu, aru yebacavu ámevu máre dupinanñima cūracobeá jívui aru cūracúa uracúa cūraboá jēneboi máre. ¹⁶Cođoboborí órejaima cūracúa uracúare aru cūraboare máre, yópe arí:

—Tujacūari ñujare. Yavejacūari ñujare ére jocarí, ñai dobacure jabocui dobarō mearo coricacarōra, ũi jāmequiyepe aino ñujare. Yavejacūari ñujare ére jocarí, ñai ovejajicu jorojini jāñure. ¹⁷Jave eavuvu ijāravu parurijāravu, caivu Jūmenijicure ju abevu ne ñájijāravu. Ñame buojarí númenama náre copu, ñai jabocui dobarō mearo coricacarōi dobacure aru ñai ovejajicure máre, arí cođoboboima na, jidurivu.

Juan ũi coyuíno ina ciento cuarenta y cuatro mil paivu Israecavurá

7 ¹No yóboi, jácacu yóvaicuvaiavu ángelevare núrivure maje curijoborō turuvai yóvaicuvaiturava yebai na coapa. Japucōjemeteima náre coapa iye yóvaicuvaiye ũmevure ijāravuquede. Que teni japucōjemeteima joborōre copu, jia uradare copu, aru apecu jocucure copu máre. ²Aru jácacu apecu ángelede muri dayure avia dainocapūravure jocarí. Cuvateame ũi purui ñai Jūmenijicu apucu ũi jáđovare đainore ũ jinare. Ñai ángele codoboboame, majicacuyu apevu yóvaicuvaiavu ángelevare, ina Jūmenijicui paruéde jímara mácavure, ne ámedare đarājyepere ayu joborōre aru jia uradare máre. ³Yópe arí, cođoboboame:

—Ámedabejarā cāreja yo joborōre, jia uradare, aru jocucure máre. Yéde ámedabejarā pu ñuje jáđovaiye baquiyéta ina maje jabocu Jūmenijicure memecaivure ne tūtvarā náre coapa, jáđovarajivu náre ũ jinare, cođoboborí áme ñai ángele.

⁴Aru jápiacacu aipivu ina obedivu jáđovaimara mácavure ne tūtvarā

Jūmenijicu jinape. Caiyajuboa doce paiyajuboa Israecavure jocarī ciento cuarenta y cuatro mil paivu baju cúteimada. ⁵Judá bācui pāramenacavu doce mil paivu jáđovaimara mateimada. Aru Rubén mācui pāramenacavu doce mil paivu jáđovaimara mateimada. Gad bācui pāramenacavu doce mil paivu jáđovaimara mateimada. ⁶Aser bācui pāramenacavu doce mil paivu jáđovaimara mateimada. Neftalí bācui pāramenacavu doce mil paivu jáđovaimara mateimada. Aru Manasés bācui pāramenacavu doce mil paivu jáđovaimara mateimada. ⁷Simeón mācui pāramenacavu doce mil paivu jáđovaimara mateimada. Leví bācui pāramenacavu doce mil paivu jáđovaimara mateimada. Isacar bācui pāramenacavu doce mil paivu jáđovaimara mateimada. ⁸Aru Zabolón mācui pāramenacavu doce mil paivu jáđovaimara mateimada. José bācui pāramenacavu doce mil paivu jáđovaimara mateimada. Aru Benjamín mācui pāramenacavu doce mil paivu jáđovaimara mateimada máre. Caivu ina jáđovaimara Jūmenijicu jinape ciento cuarenta y cuatro mil paivu baju bateimada na.

**Juan ũi coyūino ina obedivu
Jūmenijicu jina boricajeare doivurā**
(Mt 24.1; Mr 13.19; Jn 1.29, 4.10,
7.37, 10.1-16; 1 Jn 1.7; Ap 21.4)

⁹No yóboi, jácasu obedivu baju pōevare. Ne obedivu cue boje, ñame buojarī corevabejebu náre. Caijaborōacavu, aru caiyajuboa pōeyajuboacavu, caicamua yávaicamuacavu, aru caiimaroacavu máre cúteima na. Núteima no jabocui dobarō mearo coricacarō jipocai aru Cristo, ovejajicu ne aimu, ũi jipocai máre. Caivu ina doima ne cuitótecajea boricajeare. Aru ũjumedua paiyede cūvateima náre coapa ne pūruái. ¹⁰Yópe arī, bujiié codoboboima:

Maje jabocu Jūmenijicu, ñai
dobacu jabocui dobarō mearo

coricacarōra, meadayube
majare. Aru ñai ovejajicu máre
meadayube majare, aima na.

¹¹Caivu ina ángeleva núrivu ina veinticuatro paivu bucava ne yóboi, ina yóvaicuvaivu arurivu ne yóboi, no jabocui dobarō mearo coricacarō yebai, mori tuima ne jivare, mearore jínajivu Jūmenijicure. No jabocui dobarō mearo coricacarō jipocai mearore jima Jūmenijicure. ¹²Yópe arī, mearore jima ũre:

Quédecabu. Maje jabocu
Jūmenijicurecabe caivu ne
mearore jímū, aru ne torojure
đaimu máre. ũrecabe caiyede
coreóvayu. Caivu torojuede
jijjarāri ũre aru puedajarāri ũre.
ũrecabe caiye paruéde cuvacu
aru caiye méne đaiye majicu
máre cainmua. Quédecabu,
aima na.

¹³Aru cūinācu nácasu, ina veinticuatro paivu bucavacacu, yópe arī, jēniari jáme yure:

—¿Ñamema ina pōeva doivu ne cuitótecajea boricajeare? ¿Árocavuba na? jēniari jáme yure.

¹⁴Yópe arī, soyucacu ũre:

—Mū, ji jabocu, majibevu yu.
Murecabu coreóvayū náre, acacu yu.
Aru soyúame yure:

—Nārecabu napivu bācavu ne ñájiye báquede pueno urarō baju. Joquemavu ne cuitótecajeare, bore đarājivu dicajeare ñai ovejajicui jiveque. ¹⁵Que baru núrivu bu Jūmenijicu jabocui dobarō mearo jipocai. Memecavubu ũre ũi cūrami jívuí jāravure aru ñamine máre. Ñai dobacu jabocui dobarō mearo coricacarōra jári coresuyume náre ũi cue boje náque. ¹⁶Aipinumu ñájimenama na ávúena. Aru aipinumu cūñómebu náre máre. Aipinumu aviá bóri émecube náre. Aru aipinumu toaijino máre cārijovamebu náre. ¹⁷Nópe baquiyébu ñai ovejajicu cuvacu jabocui dobarō mearo coricacarō yebai dobacu ũi jári coreiye boje náre. Jipocatecuyume náre oco arure đaioco piaróino curōi.

Tĩrecuyme caiye oride ne yacorware.
Aru torojure ñacuyame náre cainumua,
arĩ coyúame ñai bucucu yure.

**Juan ñi coyũino piniducayabe
jãjariyabena**

(Ap 5.8, 11.19, 16.18)

8 ¹No yóboi Cristo, ovejãicu ne aimu,
burame apeyabe piniducayabe
jãjariyabede diyoca cãriáiyocare jocarĩ.
Ëi buraiyede diyabede, ye yávaino
jãpurabeni, caivu bi aimo no cavarõ
mearo Jãmenijicui curõ coricaorare.
²Aru jãcacu ina siete paivu ángeleva
núrvure Jãmenijicui jipocai. Jímara
mateima siete paiyoa japuiyoare
trompeta ãmicuriyoare náre coapa.
³Apecu ángele dáme. Cuvateame ñi
pũrui cūinãru jororu úruque ñaidure
mumijuede adaidure. Darĩ, núteame
Jãmenijicure jãcayede juaiva jipocai.
Jímu mateáme ñi ure mumijuede, ñi
jãcaquiyepa ayu caivu Jãmenijicui põeva
ne boroteiyede úque. Que teni jiame
diede Jãmenijicure iva juaiva úruque
ñavarã Jãmenijicu jabocui dobarõ
mearo jipocai. ⁴Iye mumijue éiyede, bico
muavu Jãmenijicu jipocai ñai ángelei
pũrure jocarĩ. Muavu Jãmenijicui põeva
ne boroteiyede úque. ⁵Aru ñai ángele
nũvari buiváme idu jororure toatũchia,
ñi ñno mãcarõre Jãmenijicure jãcayede
juaivare jocarĩ. Buivãrĩburu yóboi,
dũvame didure joborõi. Ëi dũvayede
didure õpo tuavũ, yávaino bujino
jãpurateavũ, yaroino cojiteavũ, aru
joborõ máre cũjjavũ.

**Juan ñi coyũino iye siete paiyoa
japuiyoa trompeta ãmicuriyoarã**

⁶Dinũmure ina siete paivu ángeleva
cũvarivu siete paiyoa japuiyoare
trompeta ãmicuriyoare meadãima,
japurãjivu diyóare.

⁷Cūinãcu ángele nãcacu
mamãrũmũcacu japuáme mamãrũmu
ñi japuiyore. Ëi japuiyede, ocavũ jãjaro
yópe cũrajiboape, aru toabo jiveque
ocainope tuavũ joborõi. Yópe yóbecue
coavaiyepa caino joborõre, cūinãro

iye yóbecuecarõ éni bĩjavũ. Caiye
yóbecuricua jocucua curĩ, cūinãcu éni
bĩjavũ. Aru yópe yóbecue coavaiyepa
caiye cõriã jũmenicõria máre, cūinãro
iye yóbecuecarõ, éni bĩjavũ.

⁸Aru cūinãcui yóbocacu ángele
japuáme ñi japuiyore. Ëi japuiyede,
cūinãcũ cũracũ uracũpe paicũ, éicũ
toaque dũvaicũ mateávũ jia urãðai.
Yópe yóbecue coavaiyepa caiya jia
urãðare, cūinãro iye yóbecuecarõ
jiveteavũ. ⁹Caivu yóbecurã apurivu jia
urãðacavu curĩvu, cūinãcu yaiáme. Aru
caiye yóbecuricua jiaðocũ uracũa cœ,
cūinãcũ bĩjavũ.

¹⁰Aru pũcarãi yóbocacu ángele
japuáme ñi japuiyore. Ëi japuiyede,
cūinãcu abiacoru uracu uruyu tuame
yópe cãmavepe cavarõre jocarĩ. Caiye
yóbecuriya jia curiyare, cūinãdare tuame
ñai abiacoru uracu. Aru cainoa yóbecurã
oco pãpõino curõare máre, cūinãrore
tuame ñi. ¹¹Jũmecu ãmicũteame ñai
abiacoru. Yópe yóbecue coavaiyepa caiye
oco ùcuicore, cūinãro iye yóbecuecarõ
jũmeteavũ. Obedivu põeva yaima, ina
ũcuivu bãcavu die oco jũmene.

¹²Aru yóbecurãi yóbocacu ángele
japuáme ñi japuiyore. Ëi japuiyede ñai
aviã yóbecue coavaiyepa ùre, cūinãra
iye yóbecuecarõ ãmedaino mateávũ.
Quédeca vaiávũ ñai aviã ñamicacure
aru ina abiacovare máre. Cūinãro
ne yóbecuecarõ ãmedaino mateávũ
náre coapa. Que baru caivu ina yópe
yóbecue coavaiyepa náre, cūinãro
iye yóbecuecarõ ñemiteavũ náre
coapa. Yóvaicũvaiora jãrvure ñai aviã
bóbeteame. Aru yóvaicũvaiora ñamine
ina ñamicavu máre pẽometeima.

¹³Aru jãcacu cūinãcu mĩyavipe páyure,
águila ãmicũcure. Vuyu bateáme pare
ũmũ, cavarõ corica bajui, aviã ñi curõi
jãravũ corica baji. Jãpiacacu ñi yópe
ainore yávaino bujinoque:

— ãmeno bajutamũ. Ina apenvũ
yóbecurã ángeleva ne japurãjiyede
ne japuiyoare ãmeno baju vaiquĩyebu
ijãravũcavu Jesũre ju abevũre, arĩ
coðoboboame ñi.

9 ¹Aru yóvaicuvavui yóbocacu ángele japuáme ñi japuiyore. Ñi japuiyede, jácacu cūinácucú ángele abiacórcupe árojacu tucyú bácure cavarõre jocarí pu joborõita. Jímú mateáme llavede, voacucyú ecoino ñmujuricobede abujuva ne napini coreinoi ecoinore. ²Ñai abiacórcu voame no ñmujuricobe ecoinore. Ñi voaiyede nore, toabico etavũ dicobede jocarí. Yópe toabo urarõ uruiyede bico urarõ etaiyepede bateávũ die toabico. Aru die toabico ñemié ture dávũ avía ñi boiyede aru ñmevure máre. ³Aru no toabico jocarí mujuñuva darí ñmeima joborõita. Ina mujuñuva paruéde jímara mateima, dorenajivũ yópe muriva joborócvape. ⁴Ámedaicójememara mateima caiye cõriáre, caicua jocucñare, aru caiye ape pñaiyede máre. Quénora ina jádovamemara mácvure ne tütuvará Jñmenijicú jinape quévura ñájine ñaicójeimara mateima ina mujuñuva. ⁵Ñbenita boarí jaruvaicójememara mateima ina ne dorenajimarare. Quénora ñájine ñaicójeimara mateima náre cūinápucupe paiaviava baju. Ina ne doreimara ñájima yópe pōescui ñájiyepede muri doreiyede. ⁶Ina ne doreimara ñájinajarama pare añijāravua baquiyéde. Ne ñmei ñájiye boje, yayurājarama na. Ñbenita yaino jēmequiyebu náre. ⁷Ina mujuñuva ārojateima yópe caballova meadaimara mácvu boarānrajivupe. Ne jipobũ cvateima náre coapa apede yópe jipobũ adaitarabua úruque ñaitarabuae. Aru ne jiva náre coapa ñmuvai jivape ārojateavũ. ⁸Ne poða náre coapa nomivai poðape ārojateavũ. Aru ne cõpiá máre león āmicucú āimacú yavipe páyui cõpiápe ārojateavũ. ⁹Ne ñarebare cvateima náre coapa apede yópe cūmaicajea táucajeape paiyede. Ne caveá máre bujiteavũ yópe pōeva boarānũivũ jāturuicúa caballovaque cūyavũ bujitépe. ¹⁰Ne pícomua náre coapa muri pícomupe ārojateavũ. Aru doreima yópe muri ñi doreiyepede. Ne pícomuaque ñájine ñarí majiteima

pōevare cūinápucupe paiaviava baju.

¹¹Ina mujuñuva ne jabocú cūteame.

Ñ mateáme ñai ángele jári coreyú dicobe ñmujuricobede. Hebreovai yávaicamuaque Abadón āmicubi. Aru griegovai yávaicamuaque Apolión āmicubi. Que aino pōevare, ñájine ñayú aiyurótamu.

¹²Que teiyede, cūináro ñájiovaino vaiávũ. Ñbenita pucarõa javũ cāreja.

¹³No yóboi, cūinápucupe paivui yóbocacu ángele japuáme ñi japuiyore. Ñi japuiyede, jápiacacu yu cūinácucú ñi yávainore. No yávaino etavũ Jñmenijicúre jícaiyede juaiva úruque ñaivare jocarí. Diva Jñmenijicú jipocai curivai yóvaicuvaitõbuare jocarí etavũ no yávaino. ¹⁴Yópe arí, coyuvávũ no yávaino ñai ángele ñi japuiyore cvacure:

—Jodejacú ina yóvaicuvavui ángelevare buoimara mácvure jia urada Éufrates āmicuriya yebai, arí coyuvávũ.

¹⁵Que baru ina yóvaicuvavui ángeleva jodeimara mateima. Meadaimara mácvu batequémavũ, boarí jaruvārājivũ obedivũ pōeva ijāravucavure. Caivũ yajubo curivupe yóbescrāque cūinácure boarí jaruvārājivũ bateima na. Meadaimara mácvu batequémavũ nópe ñarājivũva cūináora beoiorare, cūinājāravũ beoijāravure, cūinácucú avía beoiviare, aru cūinájũ beoijure máre. ¹⁶Jápiacacu yu aipivũ churarava caballovarā tubarivũ daivure. Caivũ ne obeno doscientos millones paivũ cūteimaða na.

¹⁷Yópe decoboainope jácacú ina caballova aru nára tubarivure máre. Ne ñarebare cvateima náre coapa cūmaicajea táucajeare. Jūaro baju toape, jñmeno cavarõre, aru cūrajñmeno azufrepe máre jácacú yu ne cūmaicajeare. Ina caballova ne jipobũ yópe león āmicucú āimacú yavipe páyui jipobupe bateávũ. Aru ne jijecamuare jocarí etavũ toa, bico, aru azufrede máre. ¹⁸Iye toa, bico, aru azufreque

máre boarí jaruvaima na obedivú pøeva ijárvavcavure. Caivú yóbecurá curivu, cūinácú nácacure boarí jaruvaima ina caballova. ¹⁹Ne boarí jaruvaiye parué cúteavú ne jijecamui aru ne pícomui máre. Ne pícomua yópe áðavape bateávú. Ne pícomuaque cūima pøevare yópe áðavai cūiyepe, ijide ðarájivú náre.

²⁰Caiye iye vainíburu yóbore, ina pøeva ijárvavcavú yaibévú bácavú cāreja ye jaruvaiyubeteima na ne pøeimara mácvure. Quénora dajocabeteima ne mearore jíyede abujuvare. Aru dajocabeteima ne mearore jíyede pøeimara mácvure. Ina pøeimara mácvú pøeva ne ðaimara mácvúbú úruque, aru plataque, bronzeque, cūraboaque, aru jocscuaque máre. Nárecabú yéde jári majibevú aru jápiarí majibevú. Aru cuivú máre buojabema. ²¹Aru chíomevú, ne ámeina teiyede jaruvaiyubevú, oatuvabeteima ne ðaiyede. Dajocabeteima ne boarí jaruvaiyede pøevare, ne yavié teiyede, ne ámeina ðaiyede apévunque némarebucava ánevunque, aru ne ñavaiyede máre.

**Juan ñi coyuíno ángelena ñai
cuvacurá quíjyoca paperayoca
cāriáiyocare
(Hch 4.24)**

10 ¹No yóboi, jácasu apescu ángele paruscure, émeñure cavarō mearo Jūmenijicui curōre jocarí. Cūinábó oopenibo cūmavú úre. Cūinácú náme cūteame ñi jírobú pñenoi. Ñi jiva pøávú yópe aviaí pøoiyepe. Aru ñi áraðoa yópe edivea uruiyepe toaque árojae mateávú. ²Cuvateame ñi pñurú cūináyoca quíjyoca paperayoca cāriáiyocare. Diyoca voaiyoca bācarō mateávú. Núteame ñi cuboba mearpūravcascubobaque jia uraðai aru ñi cuboba cācorpūravcascubobaque jaborōi. ³Coðoboboame yávaino bujinoque yópe león ámicscú áimascú yavipe páyui codoboiyepe. Ñi coðoboboríburu yóbore, jápiacacu siete painoa ðo tuinoare. ⁴Õpo

turíburu yóboi, toivajurocu batecácu ne yávainore. Ñbenita jápiacacu apeno yávaino cavarō mearo Jūmenijicui curōre jocarí. Yópe arí, coyúávú yure:

—No yávainore, siete painoa ðo tuinoa coyuíno mácarōre mure toivabejacu mu. Yavejacu caivure jocarí ne coyuíno mácarōre, arí coyúávú yure.

⁵Dinumure ñai ángele, jí jáimú mácu núcure jia uraðai aru jaborōi máre, jámuóame ñi pñurú mearpūravcapurure cavarō mearo Jūmenijicui curōi. Aru yópe arí, coyúáme:

⁶—Jūmenijicurecabe apscu cainmua. Érecabe cuedayú bācu cavarōre aru caivú cavarōcavure aru caiye cavarōquede máre, aru jaborōre aru caivú jaborōcavure aru caiye jaborōquede máre, aru jia uraðare aru caivú jia uraðacavure aru caiye jia uraðaquede máre. Ñai Jūmenijicu ðare ðajacurí yópe jí aiyepe: Napini corequiye cubejadeni. Jārvú cūiquíyebu.

⁷Quénora apescu ángele, ina siete paivú piniducacu, ñi japurí buiyede ñi japuíyore, Jūmenijicu ðacuyume yópe ñi dāpaiye báquepedeca. Ðacuyume yópe ñi jáðovameno mácarōre jírocamia ñi coyuíye báquede ina ñi yávaiyede coyucaipøeva mácvú úre memecaivú bācvure, arí coyúáme ñai ángele.

⁸Dinumure jápiacacu bedióva cojedeca no yávainore, jí jápaiye báquede cavarō mearo Jūmenijicui curōre jocarí. Yópe arí, coyúávú yure:

—Ícunujacu diyoca quíjyoca paperayoca cāriáiyoca voaiyocare ñai ángele núcu jia uraðai aru jaborōi máre ñi pñurú jocarí, arí coyúávú yure.

⁹Que baru ñai ángele yebai nuri jēniacacu, ñi jíquiyeye ayú yure diyoca quíjyocare. Aru úcapūravú áme yure:

—Iyocare ñni ájacu. Jūmetequiye bu mi yapibui. Ñbenita mi jijecamure mumícorope émiñquiyebu, áme yure.

¹⁰Diyoca quíjyocare ícascu ñi pñurú jocarí. Aru ácascu yú. Mumícoro émiñnepe dāpurateavú jí jijecamure. Ñbenita járvóriburu yóboi jámeteavú jí yapibure.

¹¹Dinumure coyuíma yure, yópe arí:

—Jaunv mure mi Jūmenijicui yávaiyede coyucaquiyepe cojedeca ina obedivn ĩmaroacavurã, aru pōeyajuboacavurã, yávaicamuacavurã, aru jabovarã máre, arĩ coyuima yure.

**Juan ĩi coyuino ina pucarã
coyucaipōvara**
(Lc 21.24; Ap 6.12, 8.5, 13.5-7, 16.18-21, 17.8)

11 ¹Maje jabocu jiame yure cūinádo corevaiyore yópe abojíoyope paiyore. Aru coyuáme yure, yópe arĩ: —Corevacunujacu mu Jūmenijicui cūramine, aru ĩre jícaiyede juaivare aru ina mearore jívure ĩre nore máre. ²Ībenita corevabejacu táibure Jūmenijicui cūrami jedevare, judíova ānevure jíno mácaróre. Ina judíova ānevū bíjarorājarama no ĩmaro Jūmenijicu jinore cuarenta y dos paiaviava baju. ³Aru yu jarocuyumu pucarã ĩmuvare, ne coyucarājiyepe ayu yurã arevure mil doscientos sesenta paijāravna baju pu arevū náre boarĩ jaruvaiyeta. Ina pucarã dorājarama cuitótecajeare yópe pōeva ne doiyeye orājivū yaivū bācavure, arĩ coyuáme yure.

⁴Ina pucarã coyucaivū ũra, jēvari coyuĩ nárecabu icuá pucasna jocusna olivo āmicuricua ijāravucavū jabocu jipocarã curicūape paivū. Aru jēvari coyuĩ nárecabu ijaraboa pucararaboa pēoibna tuojaraboa ijāravucavū jabocu jipocarã curijaraboape paivū máre. ⁵Ācu pōecu ĩi nājine ĩaiyurĩduru náre, toa etarĩ ne jijecamure jocarĩ éni bíjarocuiyebu ne mavure. Que baru nópe yainājarama nāme nājine ĩaiyurĩduivū ina pucarāre. ⁶Ina pucarã parué cvarivūbu ocabede ĩarĩ buojarājivū ne coyuayedeca cāreja Jūmenijicurã. Aru parué cvarivūbu jivetede ĩaivū buojarājivū oco pīaróinoare. Aru duica ijíe cure ĩaivū buojarājivūbu máre ijāravucavure aipino ne uróre. ⁷Ina pucarã ne buojaiyede ne coyuíyede, nāi āimacu jijecucu āmecu mññ ĩmujuricobede jocarĩ

ādamatecuyume náre. Ādamateni, vaini turĩ, boarĩ jaruvacuyume náre.

⁸Yaivū bācavū ne bajuá báque cuquiyebu uraró ĩmarocamara, ne Jesucristore boarĩ jaruvaiĩmaroi, ne pēvaiye báquede ũre jocusujaravena. Diĩmarore pōeva adama “Sodoma” aru “Egipto” máre, ne jádovarajiyepe aivū aipe āmeno ārojarore no ĩmarore. ⁹Cainoa ĩmaroacavū, aru caiyajuboa pōeyajuboacavū, caicamua yávaicamuacavū, aru caijaborōacavū máre járarama ina yaivū bācavū ne bajuá báquede yóbecurijāravna corica bajureca. Yuarĩ jaruvaićojemenajarama na ne bajuá báquede. ¹⁰Ijāravucavū Jesucristore ju abevū torojurājarama ina pucarã ne yaiye boje. Ina pucarã Jūmenijicui yávaiyede coyucaipōeva māvavū ne nājine ĩaiye báque boje pare ijāravucavū pōevare, nācupūravū torojuve teni jínajarama ne bojecubeda jíyūede ne baju.

¹¹Ībenita yóbecurijāravna corica bajureca cāreja nore curĩburu yóboi, Jūmenijicu náre nacovari yainore jaruvarĩ, arure ĩaquemavū náre cojedeca. Que baru nacajaima ina pucarã. Aru caivū ina jáivū bācavū nacajaiyure cuesumaima pare.

¹²Dinūmure ina pucarã Jūmenijicui yávaiyede coyucaipōeva járiaima apeno yávainore bujinoque, yópe ainore cavarō mearo Jūmenijicui curóre jocarĩ:

—Muri dajarã yui, ávū náre.

Ne mavai jáiyedeca náre, muri nuima ina pucarã ocopeniboque pu cavarō mearo Jūmenijicui curóita. ¹³Aru dinūmūmiareca joboró cújiavū pare. Yópe caipucarūape paiye covaiyeye caino no ĩmarore, cūináro iye caipucarūape paiyecarō bíjavū. Aru siete mil baju pōeva yaima no joboró cújiye boje. Caivū arevū diĩmarocavū aruvivū cāreja cuesumaima pare aru mearore jíma nāi Jūmenijicu cavarō mearocacure.

¹⁴Que teniburu yóbore, pucarōa nājiovainoa vaiávū caride. Ībenita cūináro jaunv cāreja. Maumejiena vaiquiyebu no.

**Juan ñi coyũino siete ángeleva
piniducacui japuiyena ñi japuiyo
trompeta ámicuriyore**

¹⁵No yóboi, apesu ángele, ina siete paivu piniducacu, japuáme ñi japuiyore. Ñi japuiyede, yópe arí, coyũima obedivu cavarō mearo Jũmenijicui curōcavu bujiéque:

Caride maje jabocu Cristoque jaboteivubu caivu ijāravucavure. Aru úrecabe jabotecuycu cainũna, arí coyũima na.

¹⁶Dinũmure ina veinticuatro paivu bucava dobarivu jabovai dobarōa mearoai Jũmenijicui jipocai joborōita mori turí mearore jíma úre. ¹⁷Que teni yópe arí, coyũima:

Mũ, ñuje jabocu Jũmenijicu, parucu caivu pueno, cucu caride aru cucu bácu javede, torojuede jívubu mure. Murecabu jaboteni báyu caivu pōevare mi parué ureque. Que baru torojuede jívubu mure.

¹⁸Eaivu yo jāravu mi jáđovaijāravu mi jorojini jáiyede pōeva ne ãmeina teiye boje. Eaivu yo jāravu mi jári corevaijāravu caivu ina yaivu bácvure ne ñaiye báquede. Que baru caivu ijāravucavu mure ju abevũ jijateima pare. Caride eaivu yo jāravu mi bojedaijāravu pōevare ne ñaiye báque bojede. Me bojedacuñmu mu caivu mure memecaivure, ina mi yávaiyede coyucapōevare aru mi pōevare, ina mure pueđavure máre, quíjinare aru bucavare máre. Aru bíjaroquijivu mu caivu ina ijāravucavu arevure ñájine ñavure, arí coyũima na.

¹⁹No yóboi, Jũmenijicui cũrami, cavarō mearo ñi curōi curiñami voavũ. Nore jáino mateávũ ãnitōcu ina judšovai adaitōcure iveá cũravea Jũmenijicu “Yópe ñacacuyũmu yu mujare”, ñi arí toivaiye báque curitōcure. Aru yaroino cojiteavũ, yávaino bujino jápurateavũ, oþo tuavũ, joborō cújivavũ, aru ocaino jájaro yópe cũrajiboape tuavũ máre.

**Juan ñi coyũino nomióra aru
ãijuacurã máre
(Lc 10.18; Jud 9)**

12 ¹No yóboi, cũináro jáđovaino urarō jároteavũ cavarōi. Jároteaco cũináco nomió cũmaimo máco aviáque yópe cuiótocajede cũmaiyepe. Núteaco aviá ñamicacu puenora. Ñi jipobui cúteavũ jipobu adaitarabu doce paivu abiacovaque. ²Micaco, juedocuvacodo bateáco maumejiena. Que baru pare odo bateáco, óre ijíe boje. ³Aru jácacu. Apeno jáđovaino urarō jároteavũ cavarōi. Jároteame cũinácu ãijuacu uracu baju. Siete paibua jipobua cucu bateáme caipucapũruape pajavaroaque. Cúteavũ ñi jipobua coapa cũinátarabu jipobu adaitarabu. ⁴Ñi pícomuque jabuboame obedivu abiacovare cavarōre jocarí pu joborōita. Caivu yóbecurã abiacova curivu, cũinácuere jabuborí ture dáme ñ joborōita. Ñai ãijuacu mauteame ico nomió jipocai, acucu ñi juedocuvacojimure mama pōteyũra. ⁵Ico nomió juedocuvateaco mamacu ñmujicure, jabotecuyure caivu pōevare paruéque, yópe ñi cuvajuroepe aboþo táuque ñaiyore. Que baru ñame ñabejebu yópe ñi cōjeiyepe. Ubenita ñai juedocu ñni nuvaimu mateáme pu Jũmenijicu yebaita, jabocui dobarō mearoita. ⁶Aru ico nomió dupini nuaco pōecubeno, Jũmenijicui óre meadacaino mácarōi. Nore ñiye jímo macodóme o mil doscientos sesenta pajáravu baju.

⁷No yóboi, áđamateino mateávũ cavarō mearo Jũmenijicui curōi. Ángelevai jabocu ñi ãmiá Miguel ñi ángelevaque áđamateame ñai ãijuacure. Aru ñai ãijuacu máre ñi ángelevaque áđamateniduame Miguejäre copũ.

⁸Ubenita ãijuacujácupũravu ye vainí tubeteima na, Miguejácupũravure. Que baru ãijuacujäre cavarō mearo Jũmenijicui curōre mauteicōjememara mateima na cãreja. ⁹Que baru ñai ãijuacu uracu ne jaetovaimu mateáme cavarō mearo Jũmenijicui curōre jocarí.

Érecabe añu ãijuacu javecaçu ñi ãmiá Satanás, abujuvai jabocu. Érecabe jujovayu caivu ijáravucavure. Ë ñi ángelevaque, nárecabu ñi jaetovaimara mácavu cavarõ mearo Jñmenijicui curõre jocarí pñ joborõita.

¹⁰Dinũmure jápiacacu apeno yávainore bujinoque, yópe ainore cavarõ mearo Jñmenijicui curõre jocarí:

—Caride jave eavũ Jñmenijicui meadaijáravũ põevare. Jñmenijicu jádovaimi ñi paruéque ñi jaboteiyede. Cristo máre jádovaimi ñi paruéde. Caride jaetovaimume cavarõ mearo Jñmenijicui curõre jocarí abujuvai jabocu, ñai boro coyurí adaipõescu bácu majevũ Jesucristore ju aipõevare. Jipocamia ñai núcu bateáme Jñmenijicu jipocai, boro coyurí adacuyũ náre járavure aru ñamine máre. ¹¹Cristo, ñai ovejájicu ne aimũ, ñi jive meiyebáqueque bojedarejaquemavũ majevũ Jesucristore ju aipõevare ne ãmeina teiyede. Ne ju aiyequo vainí tuyama ñai abujuvai jabocure. Aru coyũima Jñmenijicui yáviayede dajocabevũva “Jávemu” ne aiyede Jesucristo yáviaye méne. Aru iye ne yáviaye méne coyũiyequo máre vainí tuyama ñai abujuvai jabocure. Boarí jarũvarájimaravacari ne nópe bueiyebõje Cristo jiede, nácapũravũ buede nuivũ bateima ñ jiede dajocabevũva. Que baru jecubeni ne baju apuéde ijáravũ, jidũbevũva napini coreima ne yainájínore. Que baru boro coyurí adaino cubevũ náre corũ caride. ¹²Que baru torojue cuquiyebu cavarõ mearo Jñmenijicui curõi. Torojujará muja cavarõ mearo Jñmenijicui curõcavũ. Ëbenita pare chiorajarama ijáravucavũ, ina joborõi curivũ aru ina jia uradaí curivũ máre. Ñai abujuvai jabocu ãmeimi muje yebai jarayũ baju, ñi coreóvayibe boje maumejiena ñájicuyure.

Nópe jápiacacu yu.

¹³Ñai ãijuacu ñi coreóvayibede ñi baju ne jaetovaimũ mácure joborõita, cujuáme ico nomióre, mamacure juecõcuvaco bácore. ¹⁴Ëbenita

ócapũravũ jĩmo mateáco pũcacavea, míyavipe águila ãmicũcui caveáre, vũcõdo põescubeno, Jñmenijicui óre jĩno mácarõre õi curõita ãijuacure jocarí joaita. Nore ãiye jĩye jauquiye bateávũ óre yõbecuriujua aru arejũ corica bají. ¹⁵Dinũmure ñai ãijuacũcapũravũ jęcuturi japurí jaroáme urarõ ocure ñi jijecamure jocarí yópe jiape, õi mũicojiiyere arĩduyũ óre, õi bíjacojiiyere arĩduyũ. ¹⁶Ëbenita yo joborõ cadateavũ óre. Yo joborõ járuõiyere dāvũ iye urarõ ocure, ñai ãijuacu jęcuturi japurí jaroibe báquede. ¹⁷Que baru ñai ãijuacu pare jijateyũ óre, ãdamatecũũname caivũ arevũ õi páramenaque corũ. Nárecabu caivũ ina ju aivũ Jñmenijicui ãaicõjeiyede aru dajocabevũva coyũivũ Jesús ñi yáviayede jávene pñ arevũ náre boarí jaruvaiyeta. ¹⁸Aru ñai ãijuacu núscũũname ëpacũra jia urada écarui.

Juan ñi coyũino ina pũcará ãimara jijecurivurá

(Mt 24.24; 2 Ts 2.9-10; Ap 3.5, 17.3, 7-12)

13 ¹Dinũmure jácacu cũinácu ãme ãimacu jijecũcure mũri dayure jia uradare jocarí. Siete paibua jipobua cũcu bateáme caipũcapũũre paijavaroaque. Cáteavũ ñi javaroa coapa cũinátarabũ jipobũ adaitarabũ aru ñi jipobua coapa ãmiá ãmeãmiare toivaino mácarõ. No ãmiá cojubeteavũ Jñmenijicure. ²Ñai ji jáimũ yópe árojateame: Yavipe páyũ bateáme ñi baju. Ëi cuboba miei cubobape bateávũ. Aru ñi jijecamu ãimacu jijecũcũ leõn ãmicũcui jijecamure bateávũ. Ñai ãijuacu jiame ñi paruéde ñai ãimacure. Dobaicõjeame jabocui dobarõ mearora. Aru jaboteicõjeame ãre obedivũ põevare. ³Ñai ãimacure, cũinábu ñi jipobuacabu yaivájurorichuri bácarõ curõ árojateavũ. Ëbenita no churi bácarõvacarí paparí meateavũ. No churi meateinore jáivũvata, caivũ ijáravucavũ Jesúre ju abevũ pare cuezumaima. Aru mũima na ñai ãimacu yóboi, ne ju aiyebõje ñi bueiyede. ⁴Coreóvaima na ñai ãijuacu jĩyũ bácare ñi paruéde ñai ãimacure.

Que baru mearore jíma ñai ãijuacure. Aru mearore jíma ñai ãimacure máre. Yópe arí, mearore jíma na:

—Apecu cubebi parucu ñai ãimacupe páyu. Ñame maucubarí, ãdamateni vainí tuivu buojabenama úre, aima na.

⁵Ñai ãimacu coyucójeimũ mateáme, “¿Meacu bária yu apecu pueno?” acuyu aru ãmeina yávacyu Jümenijicure máre. Aru jaboteicójeimũ mateáme cuarenta y dos paiaviaba baju. ⁶Que baru ãmeina yávame Jümenijicurã, aru ñi cüramina, aru caivu ina cavarõ mearo Jümenijicui curõi curivurã máre. ⁷Ãdamateicójeimũ mateáme Jümenijicui pöevare copu ñi vainí tuiyeta. Aru jaboteicójeimũ mateáme caiyajuboa pöeyajubocavure, aru caimmaroacavure, caicamua yávaicamuacavure, aru caijaboröacavure máre. ⁸Ñai ãimacure mearore jínajarama caivu ijãravucavu Jesúre ju abevu. Námu ne ãmiäre toivabemara mácavu ãnitucubo paperatucuboi, caivu ina jãravu cüiméjãravu baquinóre cvarãjivure ne ãmiäre toivaitucuboi. Ditucubo Cristo, ovejajicu ne aimu, ñi tucubobu. Ñai ovejajicu ne boarí jaruvaimu macuyúre Jümenijicu majidejaquemavu ñi cuedaquiye jipocai ijãravure.

⁹Caivu me jãpijarã. ¹⁰Ina buoimara marajivu, jãve buoimara marajãrama na. Aru ina boarí jaruvaimara marajivu, jãve boarí jaruvaimara marajãrama na.

Que baru caivu Jümenijicui pöevare jãve ne napiye jauquiye bu caye ne ñãjiyede. Aru jãve ne ju aye jauquiye bu náre dajocabevuva Jümenijicui coyuiye báquede ñi mearo ñacaquiye náre.

¹¹No yóboi, jãcacu apecu ãme ãimacu jijecucure muri dayure joboröre jocarí. Pucarõa javaroa cuvateame yópe ovejai javaroape. Ubenita yávame yópe ãijuacui yávaipyere. ¹²Ñai ãimacu jia uradare jocarí dayu bácu cuvateame ure paruéde. Caiye ñi paruéde cuvateame ñai ãimacu joboröre jocarí dayu bácu. Ñai jia uradare dayu bácu jãinoi ñai joboröre dayu bácu jaboteame ure

paruéque. Caivu ijãravucavu Jesúre ju abevure mearore jíde ñame ñai jia uradare dayu bácu, ñai churi meateino mácaröre cuvacure. ¹³Aru ure pöeva ne ñarí majibede máre ñame ñi. Toabore jödaicójeame cavaröre jocarí pu joborõita caivu pöeva ne jãinoi. ¹⁴Pöeva ne ñarí majibede ñaicójeimũ mateáme ñi ñai jia uradare dayu bácu jãinoi. Yópe ñarí jujovame caivu ijãravucavu Jesúre ju abevure. Ñaicójeame náre, ne pöeimure ne puedarãjiyere ayu ñai ãimacu arucure cãreja, buraimu mácureca boaicaroveque. ¹⁵Ne pöeimure ñaríburu yóboi, ñai joboröre dayu bácu ñmene jãpuicójeimũ mateáme pöeimure, yávayu ñi buojaquiye ayu aru boarí jaruvaicójeñu ñi buojaquiye ayu caivu ina mearore jyubevure úre.

¹⁶Toivaicójeame caivu pöevare ne puru mearpururã o ne tütuvurã. Quíjinare aru bucuvare máre, cve cvarivure aru cve cuvabevure máre, yebacavure aru yebacavu ãnevure máre, caivure toivaicójeame ñi. ¹⁷Acu pöecu cuvabecu baru no toivainore, bojedarí ñnu aru jni bojedayu máre buojabeteame. No toivaino mateávũ ñai jia uradare dayu bácu ñmiã o yo número ñi ñmiãque curõ. ¹⁸Majie javu ñi coreóvayucure nore. Ñai coreóvayu corevajacurí ñai ñme ãimacu jijecucui número. Yo número bu pöecu número. Yo número bu seiscientos sesenta y seis.

Juan ñi coyucino ina ciento cuarenta y cuatro mil paivu baju yurivurã
(Stg 1.18; Ap 7.3)

14 ¹No yóboi, jãcacu cojedeca. Jãcacu Cristore, ovejajicu ne aimu, núcure Sión ñmicuricü cüracüi. Aru úque cüteima obedivu pöeva, ciento cuarenta y cuatro mil paivu baju. Nárecabu cvarivü ñi ñmiäre aru jipacui ñmiäre máre toivaino mácaröre ne tütuvurã náre coapa. ²Que teni jãpiacacu cünáro bujinore cavarõ mearo Jümenijicui curõre jocarí. Jãpurateavũ yópe cüratãcve uratãcve bujinope aru yópe öpo tuino pueno baju

bujinope. Yópe obedivü biabeiboare arpa ámicuriboare ne upaiye bujiépe jápurateavü no bujino. ³Ina ciento cuarenta y cuatro mil paivü baju pöeva yúriaima yo yúriaino mamarore no jabocü dobarö mearo coricacarö jipocai, ina yóvaicüvaivü arüvü aru ina veinticuatro paivü bucüva ne jáinoi. Ina ciento cuarenta y cuatro mil paivü baju ijárvücvü Cristoi meadaimara mácvü quévüra yúriarí majiteima no yúriaino mamarore. Apescu cubebi yúriarí buojayü nore. ⁴Inarecabu ámetebevü bácvü nomivaque. Nomivaque cubeteima na. Nárecabu núvü ñai ovejajücvü yóboi ári üi núinoi. Nárecabu bojedaimara mácvü caivü ijárvücvü jéneboi, jínajimara márajivü Jümenijicü aru ñai ovejajicü máre yópe jéidua mamarücvü bucüidua püeno mearüa jíyere. ⁵Nárecabu ye borocübevu aru ye ámeno cubevü máre cainüvü.

**Juan üi coyüino yóbecurá ángeleva
ne coyüiyena**

(Ap 10.6, 16.19, 18.2)

⁶No yóboi, jácacu apescu ángele, vüvüre pare ümüi, cavarö coricai aviá üi curöi járvü corica bají. Coyüáme iye coyüiye cüiméne cainüvü caivü ijárvücvü ne járiaiyede. Coyüáme caijaboröacavüre, aru caiyajuboa pöeyajuboacavüre, caicamua yávaicamüacavüre, aru caímaroacavüre máre. ⁷Yópe arí, coyüáme yávaino bujinoque:

—Puedajará Jümenijicü. Mearore jíjará üre üi püeno majié boje. Eaiüvü iora pöevare üi ñájiovaquiora ne ámeina teiye boje. Que baru mearore jíjará ñai dayü bácvüre cavaröre, aru joboröre, jia uradare, aru oco píaróinoare máre, arí coyüáme ñai ángele.

⁸Apescu ángele dáme üi yóboi, yópe arí coyüvü:

—Jave bíjaivü no ímaro urarö Babilonia ámicurö. No ímarocavü ne pare ámeina ðaiye báque boje aru ne pare ámeina ðare ðaiye báque boje

caivü ijárvücvü Jesucristore ju abevüre caijaboröai, bíjare ðaimaramu na, arí coyüáme ñai ángele.

⁹⁻¹⁰Apescu ángele dáme ina pücará yóboi, yópe arí, yávaino bujinoque coyüáme:

—Pare ñájinajarama caivü ina mearore jívü ñai áme áimacü jijecücvü jia uradare dayü bácvüre aru üi pépeimüre máre, aru ina toivare ðaicöjeivü ne tütüvará náre coapa aru ne pürürá máre üi ámiáque o üi númeroque máre. Ne que ðaiye boje, Jümenijicü pare jorojüni jáñü náre, ñájine ðacüvüme náre pare yópe üi aiyé báquepedeca. Que tení éocüvüme náre azufre ámicüe täu uruino jívüi, üi ángeleva meara baju aru Cristo, ovejajicü ne aimü, máre ne jáiyede. ¹¹Ibo toabo náre ñájiovaibore jocarí bico porí müivü cainüvü. Que baru cüiméquiyebo ne ñájíye. Quénora jabüóvabevüva ñájinajarama járvüre aru ñamine máre caivü ina mearore jívü ñai jia uradare dayü bácvüre aru üi pépeimüre máre, aru ina toivare ðaicöjeivü ne bajure üi ámiáque, arí coyüáme ñai ángele.

¹²Que baru Jümenijicüi pöeva, ina ju aivüre üi ðaicöjeiyede aru ju aivü Jesúre máre ðajocabevüva ne ju aiyede ére cainüvü, nácapüravüre jáve ne napiye jauquiyebo ure ne ñájíyede.

¹³Dinüvüre jápiacacü cüináro yávainore cavarö mearo Jümenijicüi curöre jocarí. Yópe arí, coyüávü yure:

—Yópe arí, toivajacü mü: “Caride aru cainüvü torojurájarama caivü yainájivü curivü Jesucristoque cüinávüpe”, toivaicöjeame yure.

Aru ñai Espíritu Santo ju arí coyüáme:

—Jävemu. Cüivü ne ñájíye. Quénora jabüóvarájarama. Dajocarájarama ne pare memecaiyede. Aru cüvarájarama ne memecaino mácarö boje méne, arí coyüáme ñai Espíritu Santo.

**Juan üi coyüino Jümenijicüi
ðaquinora ijárvücvüre yópe pöeva
ne ðaiyepe ínajivü ne oteiye báquede**

(Ap 19.15)

¹⁴Dinüvüre jácacü cojedeca. Cúteavü cüinábo ocopenibo boribo. Aru díborá

dobateame cūinácū. Maja, pōevape ārojacu bateáme ũ. Cuvateame cūinátarabū jipobū adaitarabū úruque đaitarabure ũi jipobūi. Aru đuruáme cūináve táuve oteiyede buraive jevucurivede ũi pūruí. ¹⁵Dinumure apesu ángele etame Jūmenijicui cūramine jocarí. Yópe arí, yávaino bujinoque coyúáme ñai dobacure ocopeniborā:

—Jave eaivū iye oteieye jējīaravū. Iye oteieye ijāravūi bucuiyebu. Que baru burarí ijacu mū iye oteieye bucuiyede, arí coyúáme ñai ángele.

¹⁶Ūi que aiyeda, ñai dobacu bácu ocopeniborā burarí íame caiye iye oteieye bucuiyede ijāravure jocarí.

¹⁷No yóboi, apesu ángele etame Jūmenijicui cūramine jocarí no cavarō mearo ũi curōi. Ū máre cuvateame cūináve táuve jēidure buraive jevucurivede ũi pūruí. ¹⁸Dinumure apesu ángele, ñai toare jārí coreyū, etame Jūmenijicure jícaiyede juaivare jocarí. Yópe arí, yávaino bujinoque coyúáme ñai ángele ive táuve oteiyede buraive jevucurivede cuvacure:

—Iboá vino úyaiboa ijāravucaboa ñemiboabu caride. Que baru burarí ijacu mū iboá vino úyaiboa ñemiboare, arí coyúáme ñai ángele.

¹⁹Ūi que aiyeda, ñai ángele ive táuve oteiyede buraive jevucurivede cuvacu burarí íame caiboa iboáre nēmure vino úyaimure jocarí. Burarí íniburu yóboi, đuvame iboáre pipoino jívuí. Yópe đarí Jūmenijicu, pare jorojini jánū, ñájine đacuyume obedivū pōevare, ne ámeina teiye boje. Que aiyurōtamū no. ²⁰Yópe vino úyaiboare pipoicorore yuaiyepē, nopedeca Jūmenijicui ñájine đaimara ñájima ímaro jedevai. Aru ne jive etaiyede yuarí yabovaiyepē ñuavū pū trescientos paikilometros joaita aru eavū caballovare cōjeimeita.

Juan ũi coyūino iye siete paiye ñájiovaiye yóboquede

15 ¹Dinumure jácacu apeno jáđovaino urarōre cavarōi.

Cuecumacacu ji jáiye de nore. Cáteima siete paivū ángeleva cuvavivū náre coapa siete paiye ñájiovaiye yóboquede. Iye siete paiye ñájiovaiye vainíburu yóboi, Jūmenijicu ye ñájine đabecūbe pōevare cojedeca. Iye siete paiye ñájiovaiyeque Jūmenijicu buojacuyume ũi jáđovaiyede ũi jorojini jáiye de.

²Aru jácacu apedare yópe jia urada jivarupe ũbenita me jārí javaiyoiya bateávū. Aru toaque jívainope ārojateavū diya jívuí. Diya écarūi núteima ina vainí tuiyvū bācavū ñai áme áimacu jíjecucu jia uradare dayū bācure. Vainí tuima úre ne mearore jíbe báque boje úre aru ũi pēpeimure máre. Vainí tuima úre ne toivaicōjeme máque boje ne bajurā yo número ũi ámiáque curōre. Ina vainí tuiyvū bācavū cuvateima biabeiboare arpa ámicuriboare, Jūmenijicui jíboare, ne pūruí cuvavivū náre coapa. ³Yūriaima na yo yūriaino Moisés bácu Jūmenijicure memecayū bácu yūriaino mácarōre aru Cristo, ovejajīcu ne aimū, ũi yūriainore máre. Yópe arí, yūriaima na:

Mū, ñuje jabocu Jūmenijicu, parucu caivū pūeno, caiye mi đaiye ũrebu aru cuavaiyebu máre. Mū jaboteyūbu caivū pōevare, caijaborōacavure. Caiye mi đaiye mému aru javemu máre. ⁴Mū, ñuje jabocu, caivū pōeva pueđarājaramū ñuja mure jáve. Caivū pōeva mearore jínajaramū ñuja mure jáve. Mū cūinácūrabu meacu. Caivū pōeva caijaborōacavū mure mearore jínadarājarama ne jáiye boje mi đaiye méne, arí yūriaima na.

⁵No yóboi, jácacu Jūmenijicui cūramine, cavarō mearo ũi curōi curiñamine voaiñamine. Diñamimū iveá cāravea Jūmenijicui đaicōjeiyeque epeiñami. ⁶Dinumure ina siete paivū ángeleva cuvavivū náre coapa iye siete paiye ñájiovaiyede etaima diñamine jocarí. Doima ne cuitótecajea docucubecajea, cojídicajeare, boricajea lino ámicuricajeare. Aru buoima

jārióicāva úruque ðaicāvare ne ñareba cūináturu baji. ⁷Aru cūinácu ina yóvaicvavaivú arurivucacu jiame ina siete paivú ángelevare siete paidua jororua úruque ðaiduare náre coapa. Diduá jívui cúteavū iye Jūmenijicui ñájiovaquie pðevare, ũi jorojini jáiye boje ne ámeina teiyede. Nai Jūmenijicu cūbi cainmua. ⁸Aru Jūmenijicu meacu ũi cve boje, aru ũi parué cvvae boje máre, bico porí mūri buiávū diñami ũi cūramine. Que baru ñame buojabeteima ecoivú diñami Jūmenijicui cūramine pu ne buojaiyeta iye siete paive ñájiovaiyede ina siete paivú ángeleva ne davarājiyede.

Juan ũi coyuino iduá jororuarā ñájiovaiyeque

(Mt 24.43-44; Lc 12.39-40; Ap 3.3, 6.14, 8.5, 11.13, 19, 14.10)

16 ¹Dinmure jápiacacu apeno yávaino bujino etaiyede Jūmenijicui cūramine jocarí. Bujiéque yópe arí, coyuávū ina siete paivú ángelevare.

—Iduá siete paidua jororua muje cvvariduaquede jayuárí jebenanujara muja ijāravui. Jūmenijicu ñájine ðacuyume ijāravucavu Jesucristore ju abevure iye siete paive ñájiovaiyede ũi jorojini jáiye boje ne ámeina teiyede, arí coyuávū.

²Que aríburu yóboi, cūinácu ángele, nácacu mamarumucacu, jayuárí jebecunume ũi jororui cve báquede joborói. ũi que ðaiyede, obedivú pðevare etavū churiá ámechuria. Caivú ina toivaicðeivú bácvure ne bajurā ñai áme áimacu jjecucu jia uradare jocarí ðayú bácuí toivaiyequede aru mearore jívú bácvure ũi pðeimure máre etavū náre churiá ámechuria aru ámeina ijíé máre.

³Aru cūinácu yóbocacu ángele jayuárí jebeáme ũi jororquede jia uradaí. ũi que ðaiyede, caiye oco jia uradare jiveteavū yópe yayíyú bácuí jivepe. Aru caivú ina arurivú curivú jia uradaí yaima na.

⁴Aru pucarāi yóbocacu ángele jayuárí jebeáme ũi jororquede caiye jiare aru cainoa oco piapóinoare máre. ũi que ðaiyede caiye iye oco máre jiveteavū. ⁵Dinmure jápiacacu apescu ángelede, ñai ocore jári coreyure, yópe arí coyuyure:

—Mu, Jūmenijicu meacu baju, cucu caride aru cucu bácu javede, mi yópe ñájine ðaiye báque pðevare métamu caride. ⁶Ne boarí jaruvaiye báque boje mi pðeva mácvare aru mi yávaiyede coyucaipðeva mácvare máre, ne jivede mene ðaiye báque boje ne ñájiye métamu. Que baru caride murecabu bojedayú náre, ne nópe ðaiye báque boje. Murecabu ucure ðayú náre jivede yópe náre jauépe, arí coyuáme ñai ángele.

⁷Dinmure jápiacacu cojedeca apeno yávaino jápuraede Jūmenijicure jicaiyede juaiware jocarí. Yópe arí, coyuávū:

—Mu, ñuje jabocu Jūmenijicu, parucu caivú pueno, mi ñájine ðaiye pðevare mému aru jávemu máre, arí coyuávū.

⁸Aru yóbecurāi yóbocacu ángele jayuárí jebeáme ũi jororquede aviárā. ũi que ðaiyede, ñai avia bórí, éni, juaicðeimu mateáme pðevare yópe toa éiyep. ⁹ũi urarō éiye boje, caivú pðeva ijāravucavu Jesucristore ju abevú juaimara mateima na. ũbenita juaimara mácvavacari, chíomevú ne ámeina teiyede oatuvabeteima na ne ðaiyede. Aru ye mearore jíbeteima na Jūmenijicure máre. Quénona pueno baju ámeina yávare ñuima Jūmenijicure, ñai paruéde cvvacu ðayure iye ñájiovaiyede.

¹⁰Aru yóvaicvavaivú yóbocacu ángele jayuárí jebeáme ũi jororquede ñai áme áimacu jjecucu jia uradare jocarí ðayú bácuí jabocuí dobarō mearora. ũi que ðaiyede ñemié tuavū caino ñai áimacu ũi jaboteinore. Aru caivú ũi jaboteimara cūivú bateima ne baju ne jemedoare, pare ne ñájiye boje.

¹¹ũbenita ñájivavacari aru ámechuriare cvvarivavacari, dajocabeteima ne ámeina ðaiyede. Quénona ne ñájiye boje aru ne churiáre cvvae boje máre pueno

baju ámeina yávere nuima Jūmenijicure, cavarō mearocacure.

¹²Aru cūinápurupe paivni yóbocacu ángele jayuárī jebeáme ũi jororūquede iya Éufrates ámicuriya jia uradarā. Ũi que daiyede, diya jia popoávū, ina aviá dainocavū jabova ne jatarājiyepa aino diyare. ¹³Dinumure jácacu yóbecurā abujuvare yópe momavape ārojarivure. Cūinácu abujucu etame ũai āijuacu ũi jijecamure jocarī. Apescu etame ũai áme áimacu jijecacu jia uradarā jocarī dayu bácu ũi jijecamure jocarī. Aru apescu etame ũai Jūmenijicui yávaiyede coyūcaipōescupe teyū, borocuede coyūyū, ũi jijecamure jocarī. ¹⁴Ina abujuva pōeva ne đarī majibede đaiye majiteima na. Etaivū bateima cójijovarānurajivū caivū ijāravucavū jabovare, ne áđmatenajiyepa aivū Jūmenijicūque, ũai parūcure caivū pueno, ānijāravū, ũi pōevare pueno baju ũājiovere buojaquijāravū baquinóre, ne ámeina teiye báque boje. ¹⁵Yópe arī, coyúáme Jesucristo:

—Muje yebai dacuyūmu muje majibedeca yópe ũavaipōescui daiyepa cūrami upacui majibedeca. Torojuycuyūme ũai apucu jārī coreyū yure. Aru yópe pōescui meadaiyepa ũi cuitótecajeda cūyoje tebecuyū ũi cuitótecaje cube boje, nopedeca torojuycuyūme ũai meadayū ũi daiyede cūyoje tebecuyū ji daiyede, áme Jesucristo.

¹⁶Ina jabova, abujuva ne cójijovaimara, cójijima na apeno curōi, hebreovai yávaicamuaque Armagedón ámicurōi.

¹⁷Aru apescu ángele, ina siete paivū piniducacu, jayuárī jebeáme ũi jororūquede ũimevurā. Ũi que daiyede etavū apeno yávaino bujinoque no jabocui dobarō mearo coricacarō yebai Jūmenijicui cūramine jocarī. Yópe arī, coyúávū:

—Quénoramū, arī coyúávū.

¹⁸Dinumumia yaroino cojiteavū, yávaino bujinoque jápurateavū, ōpo tnavū, aru urarō joborō cújivū máre. No joborō cújino ámeno

mateávū cainoa apenoa joborō cújinoa pueno, Jūmenijicui pōevare cuedainumū mácarōmiata. ¹⁹Que teni no uraīmaro mácarōre bururī, bururī yóbecurōcarōape mauteavū no mácarō. Caiye ĩmaroa ijāravūque bĳjainoa mateávū. Aru Jūmenijicū ārutequemavū no ĩmaro urarō Babilonia ámicurōre. Que baru bojedame nócavure ne ámeina đaiye boje. Pare jorojĳĳū, ũājine đáme náre pare. ²⁰Caiye jiaivū aru caicūa cūracūa máre bĳjavū. ²¹Aru cavarōre jocarī tnavū ocaino jājaro urarō baju yópe cūraboape. Diboá coapa cuarenta paikilos ducurĳboa bateávū. Tnavū pōevara, ijāravucavū Jesucristore ju abevure. Ũbenita nácapūravū, ũājivūvacari diboá tuiye boje, pueno ámeina yávere nuima na Jūmenijicure, iye ũājiovaiye pare ũājine đaiye boje náre.

**Juan ũi coyūino ico nomió ámece
baju ōi ũājiyena**

(Ap 3.5, 11.7, 13.1, 8, 19.16)

17 ¹No yóboi, cūinácu ina siete paivū ángeleva iduá siete paidua jororūare cūvarivū bācavucacu coyūcudame yure. Yópe arī, coyúáme:

—Dajacu. Jáđovacuyūbu mure aipe ũājicođore ico nomió ōi bajure bojedado ũmūvare urarō ámenore đacođo náque. Órecabe dobaco obediya jia puenora.

²Caivū ina jabova ijāravucavū ōi đaiyepedeca đaiyurivū bateima, yópe ne ámeina đájuroepe óque. Jūmenijicū jiede ubeteima. Yópe ōi pacotede đájuroepe ijāravucavū Jesucristore ju abevure aru yópe ōi ámeina đare đájuroepe náre máre, nopedeca náre pare baju ámeina đaiyure đáco ō. Que baru náre ámeina đare đáco ō, áme ũai ángele.

³Dinumure ũai Espĳritu Santo jáicōjeame yure. Que teiyede ũai ángele nūvame yure pōescubenoī. Noi jácacu cūináco nomióre. Ō tubaco bateáco áme áimacu jijecacu jūacurā. Ũi baju caibaju toivaino mateávū ámiá ámeina yávaiámiaque Jūmenijicure copū. Siete

paibua jipobua cúteame caipucapucuaape pajavaroaque. ⁴Ico nomió doaco bateáco òi cuitótecaje jūaricaje aru ñemijuaricajede. Òi bajure meatedo báco bateáco úruque, aru quíjiboa cūrajiboa cojidijiboa bojecurijiboaque aru perla āmicurijiboaque máre. Cuvateaco òi purui cūináru jororu úruque ðaidure. Didu jívure buiávū caiye āmeina ðaiye, aru caiye òi bajuque pūeno āmene ðaiye báque máre. ⁵Òi tūtvarā toivaino cúteavū cūináro āmiá: “No urarò imaro āmiá Babilonia aino, yópe aiyurò mateávū no. Caivu ina ne bajure bojedaivu āmeina ðarājivu apevuque népacope páðobe. Caivu ijāravucavu Jesucristore ju abevure cainoa joborōai urarò āmeina ðare ðadobe”, ainore toivaino mateávū òi tūtvarā.

⁶Dinumure coreóvacacu ico nomió boarí jaruvaðo bácore obedivu ina Jūmenijicui pōevacavure. Yópe òi torojujuroepe pacoco baru, nopedeca torojuteaco ò òi mene ðaiyede ne jivede òi boarí jaruvaiyede náre. Náre boarí jaruvaco, ne coyuiye báque boje Jūmenijicui yávaiyede ðajocabevva ne “Jāvemū” aiyede Jesucristoi yávaiye méne. Que baru pare cuicumacacu yū.

⁷Dinumure ñai ángele, yópe arí, jēniari jáme yure:

—¿Aipe teni cuicumañuru mu?

Coyuquijivu mure aipe aiyede mi jáiyede. Coyuquijivu ne borore, ico nomióre aru ñai āmacu òi tubamu cuvavure siete paibua jipobuare caipucapucuaape pajavaroaque.

⁸Ñai āme āmacu jijecucu mi jáimu mácu cúteame javede. Aru cubebi caride. Ubenita mūri dacuyume icobe ūmujuricobede jocarí ūi bñjacunquiyi jipocai. Aru caivu ijāravucavu Jesucristore ju abevū pare cuicumarajarama, ne jáiye boje ñai āmacu cucu bácvure javede, cubecvure caride, ūbenita dacuyure cojedeca. Ina cuicumarajivurecabu ne āmiáre toivabemara mácvu ānitucubo Jūmenijicui paperatucuboi, caivu ina jaravu cūiméjaravu baquinóre

cūvarājivu ne āmiáre toivaitucuboi. Ditucubo toivaino marejaquémavu Jūmenijicui cuedaquiyi jipocai ijāravure.

⁹Majíe javvu ūre coreóvaiyucvure nore. Jēvari coyurí ibuá siete paibua jipobua, diedecabu siete paicūa cūracūa ico nomió āmeco òi dobae. Aru jēvari coyurí ibuá siete paibua jipobua diedecabu, siete paivu jabova. ¹⁰Cūinárvurape paivu nācvu yaiquémavu javede. Cūinácu nācvu jaboteyube caride. Aru apecu ðabecube cāreja. Ubenita ūi jabotecudaquiyede obebejaravva jabotecuyume ū. ¹¹Ñai āme āmacu jijecucu cucu bácvu javede aru cubecu caride, ū macuyūme apecu jabocu, ina siete paivu ne yóbocacu. Ubenita cūinácu ina siete paivucacuvacaribe máre. Urecabe bñjacvūvū baju bñjaiye baji.

¹²Caipucapucuaape pajavaroa mi jáiye báque, jēvari coyurí diedecabu caipucapucuaape paivu jabova bárājivu, jaboteni búbevū cāreja. Ubenita cūináora baju jaboteicójeimara marajárama ñai āme āmacu jijecucuque. ¹³Caivu ina caipucapucuaape paivu jabova ne ūme cūinátrubū. Que baru cūinárotamu ne ðaiyurò. Caðatenajarama ñai āme āmacu jijecucvure ne paruéque aru ne cōjeiyeque máre. ¹⁴Adamatenajarama na Cristore, ovejajicu ne aimvure copu. Ubenita ūcapūravu jaboteyube caivu apevu jabovare aru cōjeñvme caivu apevu cōjeivure. Que baru vaini tucuyume ina ūre maucvarivure. Ūi ādamatecudaiyede yóvarājarama ina Jūmenijicui beorí cutuimara mácvu ðajocabevū cainumva ne ju aiyede ūre, āme yure ñai ángele.

¹⁵Aru ñai ángele, yópe arí, coyvure nvame yure:

—Jēvari coyurí iya obediya jia ico nomió āmeco òi dobae, diedecabu ĩmaroacavu, aru pōeyajubocavu, obedivu yávaicamuacavu, aru jaborōacavu máre. ¹⁶Ñai āme āmacu jijecucu aru ina caipucapucuaape paivu jabova, jēvari coyurí yópe ūi javaroape, mi jáimara mácvu jáiyūbenajarama

ico nomió ãmecore. Caiye õi cõvade ñajarama õre jocarĩ, ðajocarãjivũ õre cuitõtecaje cubecore. Ærajarama õi bajure. Aru bĩjare ðarãjarama õre toaboi. ¹⁷Jũmenijicũvacari ðãpiaicõjecũyũme ina caipũcarũyũape paivũ jabovare. Que baru cũinãturũ baquiyẽbu ne ũme. Cadatenajarama ñai ãme ãmacũ jijecũcũre, ðarãjivũ yõpe Jũmenijicũi urõpe pũ ne ðaiyede bũojaiyeta caiye iye ũi ðaiyũe báquede yõpe ũi aiyẽe báquedepedeca. ¹⁸Aru jẽvari coyurĩ ico nomió ãmeco mi jãimo máco, õrecabe yõpe no ñmaro ðaicõjeĩmarope caivũ ina ijãravũcavũ jabovare, ãme yure ñai ãngele.

**Juan ũi coyũino Babilonia
ãmicurĩĩmaro bĩjainora**

(Mt 22.2-3; Ef 5.23-32; Ap 7.14, 14.8)

18 ¹No yõboi, jãcacũ apesu ãngele õmeñũre cavarõ mearo Jũmenijicũi curõre jocarĩ. Parũéque cõjeãme. Aru ũi mearoque miãðãre ðãme cainore. ²Bũjiéque yõpe arĩ, coðoboboame ũ:

—Jave bĩjaivũ no ñmaro urarõ Babilonia ãmicurõ. Diĩmaro mácarõ abujuva ne curõ teivũ. Obediyajuboa ãimara vũivũ põeva ne ubemara máre ne curõ teivũ no ñmaro mácarõ. ³No ñmaro mácarõcavũ urarõ ãmeina ðare ðaima caivũ ijãravũcavũ Jesucristore ju abevũre cainoa joborõai. Aru caivũ ina jabova ijãravũcavũ ãmeina ðaima diĩmaro mácarõcavũque. Aru caivũ ijãravũcavũ bojedãipõeva cve cũvarivũ bateima diĩmarocavũ ne urarõ ãmeina ðaiye boje. Que baru bĩjaivũ no ñmaro mácarõ, ãme ñai ãngele.

⁴Aru jãpiacacũ apeno yãvainore cavarõ mearo Jũmenijicũi curõre jocarĩ. Yõpe arĩ, coyũãvũ:

—Mũja, ji põeva, etajarã diĩmarore jocarĩ, mũja ãmene ðabenajivũ nõcavũque, mũje ñãjimenajiyere aivũ náque. ⁵Diĩmarocavũ ãmene ðare nũivũ bateima, yõpe cainiyutubope teni ne ãmenoque pũ cavarõ mearo Jũmenijicũi curõita. Urarõ baju ãmene ðaima na.

Que baru Jũmenijicũi ãrũmi caiye iye ne ãmeina ðaiyede. ⁶Nõcavũre ðajarã yõpe ne ðaiyere apevũre. Yõpe ne apevũre ñãjine ðaiyere, ñãjine ðajarã náre pũquedeca. Aru yõpe ne apevũre ãmeno ðaiyere, ãmeno ðajarã náre pũque. ⁷Yõpe urarõ mearore aru ure cve bojecũede máre ne íye báquepe ne baju, nopedeca ñcavajarã náre ñãjiyede ure aru chõoiyede máre ure cũinãturũra. Yõpe arĩ ðãpiarĩduyama na ne ũmei: “Yui jabotenajivũ dobarivũbu ñũja. Apejĩe ye jaubevũ ñũjare. Cõmaje ãrojarivũ ãmenajaramu ñũja cainũmũa. Aru chõomenajaramu, ñãjimenajaramu máre cainũmũa”, arĩ ðãpiarĩduyama nõcavũ, “¿Meara márica apevũ pũeno?” aivũ. ⁸Que baru cũinãjãravũ baquinõmiãreca urarõ ãmeno ðaquiyebu diĩmarocavũre. Maumejiena nõcavũ chõiori, ãvũé ñãjini, yainãjarama na. Aru ne ñmarore juarĩ bĩjaino maquiyẽbu. Yõpe vaiquiyebu, maje jabocu Jũmenijicũi parucu baju “Ñãjijara” ũi aiyẽ boje.

Nõpe jãpiacacũ apeno yãvainore cavarõ mearo Jũmenijicũi curõre jocarĩ.

⁹Caivũ ina jabova ijãravũcavũ ãmeina ðaivũ bácvũ diĩmaro mácarõcavũque bũjiéque coðoboborĩ, ñarebare totarĩ orãjarama na, ne jãiyede toabico porĩ mũnõre no ñmaro mácarõre éiyede.

¹⁰Jidũrivũ ne ñãjiyũbe boje diĩmarocavũ bácvũpe, joai mautenajarama. Aru yõpe arĩ, orãjarama na:

—iAyu, ayu, mũjare pare meamevũ Babilonia ãmicurĩĩmarocavũre! Pare chõioivũbu mũja. Maumejiena no ñmaro urarõ, parũé curõ mácarõ bĩjaivũ, orĩ coðoboborãjarama.

¹¹Caivũ ijãravũcavũ bojedãipõeva máre bũjiéque coðoboborĩ, ñarebare totarĩ orãjarama diĩmarocavũ bácvũre boje. Que baru ñame cũbenama caride ne cvede bojedãrĩ ívũ. ¹²Põecu cubecũbe bojedãrĩ íñũ náre ne úrũre, ne platare, ne cũrajiboa bojecurijĩboare, ne perla ãmicurijĩboare bojecurijĩboare máre, ne cuitõtecajea meacajea lino aru seda ãmicuricãjeare, aru ne

cuitótecajea bojecuricajea jūaricajeare aru ñemijuaricajeare máre. Põecu cubecube bojedari ññ náre caiye jocucua me mumijuricare, ne cūve bojecuricūvede āimacūi javaro marfil āmicurijavaroque ðaiyede, aru jocucua bojecuricūaque ðaiyede, bronce āmicūe tūaque ðaiyede, hierro āmicūe tūaque ðaiyede, aru cūrabo boribo mármol āmicuriboque ðaiyede máre. ¹³Põecu cubecube bojedari ññ náre ne canela āmicūe mumijuede aru ape mumijuede máre, ne juarājinore mumijūrõre ðaquiyepa aivū, aru ape mumijuede mirra āmicūe aru olfbano āmicūede máre. Põecu cubecube bojedari ññ náre ne vino úyaicorore, ne neo carorājiyepa aivū neore, ne páure ðaiyede harina āmicūe, aru ne trigo āmicūe oteiyede máre. Põecu cubecube bojedari ññ náre ne oteiāimarare ðucūede ūmaivure, ne ovejavare, ne caballovere, ne jāturucūare, aru ne yebacavure máre, ina dāpiaivure. ¹⁴Ina bojedaiivū bācavū, yópe arī, coyurājarama diimaro mācarōcavure:

—iAyu, ayu, jave cūivú mujare iduá jocucu jēidua mearua pare cojūteavū mujare! Jave bījaiivū mujare jocarī caiye mūje cūve bojecuede aru mūje tauturare máre. Que baru diede ye cūvabenajaramu mūja bediōva cojedeca, arī coyurājarama na, chíoiivū.

¹⁵⁻¹⁶Ina caiye iyede bojedaiivū bācavū cūve cūvateima ne bojedaiye báque boje diimaro mācarōcavū bācavūque. Ina bojedaiivū bācavū joai mautenajarama, ne jāiyube boje diimaro mācarōcavū ne ñājiyede. Aru bujiéque coðoborī, ñarebare totarī orājarama, yópe arī:

—iAyu, ayu, pare meamevū no imaro urarō mācarō! Nomió cūve cūvcope paino mateávū no imaro mācarō. Diimarcavū bācavū cuitótecajea meacajea lino āmicuricajeare, jūaricajeare aru ñemijuaricajeare máre doivū bateima na. Aru úrure, aru perla āmicurijīboa bojecurijīboare, aru apejīboa cūrajīboa cojidijīboa bojecurijīboare máre adaiivū bateima na.

¹⁷Maumejiena caiye iye ure cūve báque me cūivú, arājarama ina bojedaiivū bācavū, chíoiivū.

Caivū ina jiadocūa uracūare jarūvairpõeva aru caivū ina curānūivū jiadocūa uracūaque, caivū ina jiadocūa uracūa memeipõeva aru caivū jia uraðai memeipõeva máre joai mautenajarama na. ¹⁸Ne jāiyede toabico porī muri no imaro mācarō éiyede, yópe arī, coðoborājarama:

—Apeno imaro urarō, ári nópe paino cubteavū cainūmua, arājarama na.

¹⁹Que arī, dūvarājarama jobore ne baju jipoburā ne chíoiye boje. Bujiéque coðoborī, ñarebare totarī orājarama na, yópe arī:

—iAyu, ayu, pare meamevū no imaro urarō mācarō! Caivū ina cūvarivū bācavū jiadocūa uracūare jia uraðai cūve cūvarivū bateima diimarcavū bācavū ne bojedaiye báque boje na mācavure ure cūvede. Maumejiena caiye iye me bījarī cūivú. ²⁰Mūja, cavarō mearo Jūmenijicūi curōcavū, torojujarā mūja no imaro mācarōcavū bācavū ne ñājiye boje. Mūja, Jūmenijicūi põeva, Jesucristoi yāvaiye méne beorī coyucōjeimara aru Jūmenijicūi yāvaiyede coyucapõeva máre torojujarā mūja Jūmenijicūi ñājine ðaiye boje nócavū bācavure. Ū ñājine ðaiyede, bojedaii na mācavure yópe ne āmeno ðaiye báquepedeca mujare, arājarama na.

²¹Dinūmure cūinācu ángele parūcu cūinābo cūrabo urabore, oteiyabeare cūoibope paibore, ñi dūvarī jarūvame jia uraðai. Yópe arī, coyūame:

—Yópe bījaino maquiyébu no imaro urarō Babilonia āmicurō. Vnojarī jāmenamu cojedeca cainūmua. ²²Ye jāpurabequiyebu cojedeca no imaro mācarōre ne yūriaiye báque arpaque, flautaque, aru trompetaque máre. Ye cūbenama cojedeca memeipõeva no imaro mācarōre. Ye jāpurabequiyebu cojedeca no imaro mācarōre ne cūoiye oteiyabeare cūoiboque, ne páure ðarājivū. ²³Ye pēoibū cojibequiyebu

cojedeca no ĩmaro m acar ore. Que baru  emiquiyebu nore. Ye p r buobenama cojedeca no ĩmaro m acar ore. Que baru j purabequiyebu cojedeca nore ne torojuve teiye b que p eva ne p r buoiyede. N pe vaiquiyebu di maro m acar cavure ne bojedaip eva par rivu b cavu caivu apavu ij ravucavu bojedaip eva p eno. N pe vaiquiyebu di marocavure j jovaiyu b cavure caivu ij ravucavu Jesucristore ju abevure ne yavi  daiye b queque,  me  nai  ngele.

²⁴Ina Babilonia  micr iimaro m acar cavu b cavu   jima ne boar  jar vaiye b que boje caivu ina J menijicui y vaiyede coy caip eva m cavure, ina J menijicui p eva m cavure, aru caivu ij ravucavu boar  jar vaimara m cavure m re.

19 ¹No y boi, j piacacu yu bujino  rar re y pe c in yajubo obedivu p eva ne y vaiye buj pe. Cavar  mearo J menijicui cur re jocar  j piacacu n re, y pe ar  codoboiyede:

iAlel ya! Mearore j najarevu J menijicure.  vacari j ve meadaibi p evare. Aru j ve meacu bajube. P eno par cube m re. J ve majepacu J menijicube  . ²Caiye  i daiye m tamu. Aru caiye  i coy iye j vetamu m re.   jine  aibi ico nomi   i baju bojedado b core  m vare  rar   menore  acodo n que.    meina  are n no mate co caivu ij ravucavunque, cainoa jobor ai Jesucristore ju abevure  i  rar   meina  aiyeque. J menijicu   jine  aibi bojedayu  re,  i boar  jar vaiye b que boje  re memecaivure. Que baru mearore j najarevu J menijicure, aima na.

³Bedi va cojedeca codobor  aima:

—iAlel ya! Mearore j najarevu J menijicure. No ĩmaro  rar   ni dajocabevu cain m a. Que baru toabico por  m ivn nore jocar  cain m a, aima na, mearore j vu J menijicure.

⁴Ina veinticuatro paivu b cava aru ina y vaic vaivu ap rivu mor  tuima

jobor ita mearore j najivu J menijicure,  nai dobacure jabocui dobar  mearo coricacar ra, y pe ar :

—Qu decabu. iAlel ya!

Mearore j najarevu J menijicure. J menijicurecabe maje mearore j m , aima na.

⁵Dinumure j purateav  apeno y vaino no dobar  mearo coricacar  yebare jocar . Y pe ar , coy av :

Mearore j jar  majepacu J menijicure. Caivu  re memecaivu aru caivu apavu p eva m re, ina qu jina aru b cava m re, caivu  re puedaivu, mearore j jar ri  re, ar  coy av .

Juan  i coy ino ne torojuve teinora Cristo, ovejajicu ne aima,  i p r buoiyede

⁶No y boi, j piacacu yu bujino  rar re y pe c in yajubo obedivu p eva ne y vaiyepe y pe c rat cave  rat cave bujinope aru y pe  po tuino p eno baju bujinope. J piacacu n re, y pe ar  codoboiyede:

iAlel ya! Mearore j najarevu J menijicure. Maje jabocu J menijicu par cu caivu p eno jaboteni b yube caride. Que baru mearore j najarevu  re. ⁷⁻⁸Eaivu caride Cristo, ovejajicu ne aima,  i p r buoij ravu. J marepaco baco o meadaibico  i baju. Maje jabocu doic jeimi  re meacaje lino  micuricaje docucubeni cojidicajede. Aru j vari coy ri dicajedecabu y pe J menijicui p eva ne  aiye m pe. Que baru torojur jarevu maja. Torojurivu maje  mei mearore j najarevu maja J menijicure, aima na.

⁹Dinumure  nai  ngele, y pe ar , toivaic jeame yure:

—Toivajacu mu iyede: “Torojur jarama caivu ina cutuimara m cavu ne  raj yepe ayu  nai ovejajicu p r buoiyede torojuve teinoi”,  me  nai  ngele.

Aru y pe ar , cutur  jaro me:

—Iye ji coyuiye mure caride
Jūmenijicui yávaiye jāvetamu, áme ũ.

¹⁰Ji jápiaiyede ũi nópe aiyede,
ñnatutacacu yu ũi cuboba yebai,
mearore jíyuríduyu úre. Ũbenita yópe
arí, mearore jícōjemeteame ũ yure:

—Que ñabejacu mu. Yu máre
memecayubu Jūmenijicure mupedeca
aru mívure páyu máre, ina coyuvu
Jesús ũi yávaiyede jāvene dajocabevuva
pu arevu náre boarí jaruvaiyeta. Que
baru mearore jíjacu mu maje jabocu
Jūmenijicure cūinácureta, áme yure.

Ñai Espiritu Santo majide ñaibi
caivu ina Jūmenijicui yávaiyede
coyucapōevare, ne coyurājiyepere ayu
Jesús ũi yávaiyede jāvene.

**Juan ũi coyūino ñai caballo bocurā
tubacurā**

(Jn 1.1, 14; Ap 13.1-18, 14.20, 17.14)

¹¹Dinūmure jácacu yu cavarō mearo
Jūmenijicui curō voainore. Aru nore
járóteame cūinácu caballo bocu. Ñai
tubacu ũra bojeñabi pōevare méque.
Aru ádamateibi méque ũi mauvare máre.
Que baru útame jāve yávayū aru méne
ñayū máre cainūma. ¹²Ũi yacorua
cojíteavū yópe toa uruiyepere. Cuvateame
obeditarabua jipobu adaitarabua
ũi jipoburā, ũi jaboteiye boje
obediyajuboacavure. Aru cūináro amía
toivaino mácarōre cuvateame. Ũbenita
ũ cūinácuva majibi nore. ¹³Doame
ũi cuitótecaje puenocacajede jiveque
ēnuicaje bácarōre. Ũrecabe “Jūmenijicui
dápianore coyucadacuyū” ne aimu.
¹⁴Ũi yóboi daima ina cavarō mearo
Jūmenijicui curōcavu ádamateipōeva
tubarivu caballova borivurā na coapa.
Aru doaima meacajea lino amicuricajea
cuitótecajeare. ¹⁵Ñai ne jabocure
etavū ũi jijecamure jocarí cūináve
boaicarove upujidivepe. Diveque boarí
vainí tucuyume caivu ijāravucavu
Jesucristore ju abevure. Ũrecabe
jabotecuyū náre paruéque. Aru ũvareca
ñájine dacuyume náre yópe pōeva ne
vino úyaboare piporí córore yuaiyepere
Jūmenijicui jorojini jáiye boje náre, ne

ámeina teiye boje. ¹⁶Ñai ne jabocu ũi
cuitótecajena aru ũi toarurā máre yópe
arí toivaino mateávū: “Jaboteyube caivu
arevu jabovare aru cōjeñume caivu
arevu cōjeipōevare máre”, arí toivaino
cúteavū.

¹⁷Aru jácacu cūinácu ángele núcure
aviarā. Yópe arí, coðoboboame
paruéque caivu ina cavavape paivure,
ina vuivu cavarō coricai, aviá ũi curōi
jāravu corica baji:

—Áradajarā. Cójijjarā amuri
yo javateino urarō Jūmenijicui
meadacaquinore mujare. ¹⁸Ina jabovare,
aru churaravai jabovare, ũmūva
parurivure, caballovare, aru caballovārā
tubarivure, yebacavure, yebacavu
ānevure, quíjinare, aru bucavure máre,
caivu ne jiaruare áradajarā, áme ñai
ángle.

¹⁹Aru jácacu ñai áme aimacu
jijecucure aru caivu ina jabovare
ijāravucavu boaipōevaque cójijivure
ne boarídurājiyepere aivu ñai caballo
bocurā tubacure aru ina ũque curivure
máre. ²⁰Ũbenita ñai áme aimacu
jijecucu ne jēimū mateáme. Aru ñai
Jūmenijicui yávaiyede coyucapōescupe
teyu, borocuede coyuyū, máre ne
jēimū mateáme. Ũrecabe pōeva ne
ñarí majibede ñayū bácu jipocamia
ñai áme aimacu jijecucui jáinoi. Iye
pōeva ne ñarí majibede ũi ñaiyepere
jujovame obedivu pōevare jipocamia.
Ina cuvativu bácvure ñai áme aimacu
jijecucui toivaino mácarōre aru ina
mearore jivu bácvure ñai áme aimacu
jijecucui pēpeimure máre jujovame ũ.
Ina pucarāre jēni, jaruvaimara mateima
arurivura cāreja toabo azufreque
cūiméboi. Noi ñai áme aimacu
jijecucu aru ñai Jūmenijicui yávaiyede
coyucapōescupe teyu, borocuede
coyuyū, éñajarama cainūma. ²¹Aru
caivu arevu náque nuivurecabu ũi boarí
jaruvaimara mácvu ñai caballo bocurā
tubacu ive boaicaroveque cuvacu ũi
jijecamui. Aru caivu ina cavavape paivu
javateni yapima na mácvu ne jiarua
báquede.

**Juan ñi coyũino mil paiũjua baju
Cristo ñi jaboteiyena**

(Mt 19.28; Lc 22.30; Ap 1.6,
5.10, 6.9, 13.16-17, 14.9)

20 ¹Jácacu cūinácu ángele
emeñure cavarō mearo
Jñmenijicui curōre jocarī. Cuvateame
ñi purui no llavede, ñi voaquinore
aru biequinore máre no ñmũjuricobe
ecoinore. Aru cūináme tãume
ducurimene máre cuvateame ñ. ²Jẽame
ñai ãijuacu cũcure mamarũmũre pũ
caride máre. Ñai ãijuacube abujuvai
jabocu. Diablo ãmicubi ñ. Aru Satanás
máre ãmicubi ñ. Ñai ãijuacure
jẽni buoáme ñre mil paiũjua baju.
³Ûre buorĩburu yóbore, ñai ángele
jarũvame ñre no ñmũjuricobe jĩvui.
Ûre jarũvarĩburu yóbore nore, dicobe
ecoinore bieáme llaveque. Jãjaro
dãme dicobe ecoinore ñai ángele.
Nópe dãme ñai abujuvai jabocure, ñi
jujovabequiyere ayũ ijarũvcavũre
bediõva cojedeca pũ mil paiũjua
vainĩburu yóboita. Dinũmu maquinóre
jodeimu macũyũme obebejãravua bajura.
⁴Aru jácacu jabovai dobarõa mearoare.
Ina dobarivũ iye dobarõara maje jabocui
ñãjine ñaicõjeimara mateima pœvare,
ne ãmeina teiye boje. Aru ina yaivũ
bãcavũ ne coyũiye báque boje Jesús ñi
yãvaiye méne aru Jñmenijicui yãvaiyede
máre dajocabevũva ne ñmene jácacu
yũ. Na mácavũrecabu mearore jíbevũ
bãcavũ ñai ãme ãimacu jijecũcure, aru
ñi pœpeimũre máre. Aru ñi toivaino
mácarõre máre cuvabeteima na mácavũ
ne tũtũvarã aru ne purũarã máre.
Nacajari yainore jarũvarĩ, apurivũ teni
jaboteima na Cristoque mil paiũjua
bajureca. ⁵Nómu pœva ne mamarũmu
nacajaiye yainore jarũvarĩ. Ûbenita
apevũ ina yaivũ bãcavũ nacajameteima
cãreja pũ diũjua mil paiũjua
vainĩburu yóboita. ⁶Torojũrãjarama
ina Jñmenijicui nacovaimara yo
mamarũmu nacovaino yainore jarũvarĩ.
Námu Jñmenijicui pœva. Sacerdoteva
barãjarama na, memecarãjivũ ñre

aru Cristore máre. Jabotenajarama na
Cristoque mil paiũjuaareca. Que baru
nũmenajarama na toabo cũiméboi.

**Juan ñi coyũino Cristo ñi vainĩ
tũiyena abujuvai jabocure**

⁷Que baru mil paiũjua vainĩburu
yóboi, ñai Satanás jodeimu macũyũme.
⁸Etacũyũme dicobe ñmũjuricobede
jocarĩ, jujovacũnũcũyũ pœvare, cainoa
joborõacavũre. Jujovacũnũcũyũme
ina Gog ãmicũrõcavũre aru ina Magog
ãmicũrõcavũre máre. Ina pœva obedivũ
barãjarama yóre epayabea cũere jia
uraã ecãrũrã. Náre cójijovacũyũme
Satanás, ne ãdamatenajiyere ayũ. ⁹Ina
pœva obedivũ cainoa joborõare jocarĩ
darĩ, cójijini, nũri jacoturãjarama
Jñmenijicui pœvare, ina boacãivũre,
aru Jñmenijicui imarore, ñi jecurõre.
Ûbenita toa ocainope tũrĩ cavarō
mearo Jñmenijicui curōre jocarĩ éni
bĩjaroquiyebu náre. ¹⁰Aru ñai abujuvai
jabocu, náre jujovayũ bãcu, jarũvaimũ
macũyũ toabo azufreque cũiméboi
máre. Que teni vainĩ tũquiyebu ñre
yóre ñai ãme ãimacu jijecũcure ñi
vainĩ tũiye báquepedeca aru ñai
Jñmenijicui yãvaiyede coyũcaipœcũre
teyũ, borocuede coyũyure, máre. Noi
ñãjinajarama na jarũvũre aru ñamine
máre cainũmua.

**Juan ñi coyũino Jñmenijicui
bojedaiyena yaivũ bãcavũre ne ñaiye
báque bojede**

(Mt 25.41; Ap 2.11, 3.5, 21.8)

¹¹Dinũmũre jácacu jabocui dobarō
mearo cūináro, urarō borō dobarōre
aru ñai dobacure nora. Joborō aru
cavarō máre bĩjavũ. Jãrobeteavũ
cojedeca. ¹²Aru jácacu ina yaivũ bãcavũ
caivũre, quĩjinare aru bũcũvare máre,
nũrivũre no jabocui dobarō mearo
urarō jipocai. Paperatucuboa voaino
mateávũ. Aru apetucubo paperatucubo
máre, Jñmenijicui paperatucubo caivũ
ina jarãvũ cũiméjarãvũ baquinóre
cũvarãjivũ ñque ne ãmiãre toivaitucubo
voaino mateávũ. Aru ina yaivũ bãcavũ

ñájiçõjeimara mateima yópe ne ðaiye báquepedeca aru iye toivaiye cøpedeca ditucuboa paperatucuboi. ¹³Caivu ina yaivu bávavu jia uraðai cúteima no jabocui dobarõ mearo urarõ jipocai. Aru caivu ina yaivu bávavu coreivu bávavu ne curõi máre cúteima no jabocui dobarõ mearo urarõ jipocai. Que baru caivu ina yaivu bávavu cúteima nore. Aru caivu ina ñájiçõjeimara mateima yópe ne ðaiye báquepedeca. ¹⁴Caride ina yaivu bávavu yainájarama cojedeca. Na mácvare coreino mácarõ jaruvaino mateávũ toabo cūiméboi. Ina yaivu bávavu yainájarama puque, mamarumu ne bajuque ijárvuvi aru no yóboi ne ũmeque toabo cūiméboi. No toabobu yópe jia uraða uruinope urarõ baju. Nore ñájinajarama cainmua. ¹⁵Caivu ina ne ãmiá toivaino cvavevu bávavu ditucuboi, Jūmenijicui paperatucubo caivu ina járvavu cūiméjárvavu baquinóre cvarājivũ úque ne ãmiáre toivaitucuboi, nárecabu jaruvaimara mácvavu dibo toabo cūiméboi.

**Juan ũi coyũino cavarõ mamarora
aru joborõ mamarora**

(Mt 25.41; Jn 4.10, 14, 7.37; Gá 4.26; 2 P 3.13; Ap 2.11, 3.12, 7.17, 19.7-8, 20.14)

21 ¹No yóboi, jácavu cavarõ mamarore aru joborõ mamarore máre. No cavarõ javecarõ mácarõ aru no joborõ javecarõ mácarõ máre bíjaiye bateávũ. Aru diya jia uraða máre bíjaiya bateávũ. ²Aru jácavu no ĩmaro pueno mearo Jūmenijicui ĩmarore, mamaro Jerusalén ãmicrĩĩmarore. No ĩmaro ĕmene dávũ Jūmenijicui jivateino cavarõ mearo ũi curõre jocarĩ. Yópe nomiõ purubucodo õi meadaiyepe torojure ðacodo jímarepacu bacuyúre, popedeca no ĩmaro meadaino mateávũ torojure ðaquiyepe aino Cristore. ³Aru jápiacavu apeno yávaino bujino etaiyede no jabocui dobarõ mearo coricacarõre jocarĩ. Bujiéque yópe arĩ, coyúávũ:

—Caride Jūmenijicui cubi pøevaque. Cvcuyume náque. Aru nácarúrvavu ũi pøeva marajárama. Jūmenijicuvacari

cvcuyume náque. Ne mearore jímu macuyúme ũ. ⁴Tūrecuyume caiye oride ne yacovare. Torojure ðacuyume náre cainmua. Caiye javede cve báque jave bíjavũ cari. Que baru pøeva ye yaibénajarama. Chĩomenajarama. Obenajarama. Aru ijibequiye bu náre máre, arĩ coyúávũ.

⁵Dinũmure ñai dobacu jabocui dobarõ mearora, yópe arĩ, coyúáme:

—Caride caiyede mamae ðayubu yu, áme.

Aru yópe arĩ, toivaicõjeame yure cojedeca:

—Iye yávaiye métamu aru jávetamu máre. Que baru toivajacu mu iye ji yávaiyede, áme yure.

⁶Aru ñai dobacu jabocui dobarõ mearora, yópe arĩ, coyúáme:

—Quénoramu. Yurecabu mamarumucavu aru yóbocavu máre.

Yurecabu báyu bácu, bubayu máre. Que baru cvuvu yu cainmua. Ácu pøecu ũi ũcuiyuru, úre jícvuyumu yu oco bojesubede no oco píarõino arure ðaiocore jocarĩ. ⁷Yópe mearo ðacacuyumu yu ñai vaini tvyure ámenore jaruvarĩ. Ũi mearore jímu macuyúmu yu. Aru jímacu bacuyúme ũ. ⁸Ũbenita caivu ina ñájiyubevu yure boje ne jídué boje, aru ina dajocavũ ne ju aiyede yure, ina caijie ámene ðaivũ, ina pøevare boarĩ jaruvavũ, ina ámeina ðaivũ apenvuque némarebucava ámevũque, ina yaviéde ðaivũ, ina mearore jívu pøeimarare, aru ina borocurivũ máre, caivu ina nurajarama ne curājinoi, no toabo azufreque cūiméboi. Que baru jēvari coyurĩ yópe ne yaiepe puque nurajarama na.

**Juan ũi coyũino mamaro Jerusalén
ãmicurõra**

(Mt 5.8; Jn 8.12; Ef 2.20; 1 Jn 3.2; Ap 16.1, 21.23)

⁹No yóboi, cūinácu ina siete paivu ángeleva iduá siete paidua jororua ñájiõvaiye buidídua jorovare iye siete paie ñájiõvaiyeque cvarivũ bávavucavu coyucudame yure. Yópe arĩ, coyúáme:

—Dajacu. Jáđovacuyubu mre ico nomió parubucodore Cristo, ovejajicu ne aimque, áme yure ñai ángele, áme.

¹⁰Aru ñai Espiritu Santo dápaicōjeame yure. Que teni ñai ángele n̄vame yure cūracu ūmujaricū puenoita. Noi curivuta, jáđovame yure no ĩmaro mearo baju, Jūmenijicū ĩmaro Jerusalén āmicurīĩmarore. No ĩmaro ěmene daino mateávũ Jūmenijicū jivateino cavarō mearo ũi curōre jocarī. ¹¹Jūmenijicū cue boje pore, urarō p̄oávũ no ĩmaro. Yópe cūrabo cojidibo pare bojecuribore jári javaiyoibo jaspe āmicuribope p̄oávũ no ĩmaro. ¹²Pare ūmujarido biaido cūteavũ no ĩmaro yóbore. Dido biaido cuvateavũ doce paicobeá jedevacobeá. Dicobeá jedevacobearā toivaino mateávũ ne āmiá ina doce paiyajuboa Israecavũ ne yajuboa āmiá coapa. Aru doce paivũ ángeleva jári coreivũ bateima dicobeá jedevacobeá coapa. ¹³Yóbecuricobeá jedevacobeá cūteavũ caiyovaicuvair̄p̄ravuai coapa. Avíá dainocap̄ravui yóbecuricobeá jedevacobeá cūteavũ. Avíá daino mearp̄ravui yóbecuricobeá jedevacobeá cūteavũ. Avíá daino cācop̄ravui yóbecuricobeá jedevacobeá cūteavũ. Avíá doinocap̄ravui máre yóbecuricobeá jedevacobeá cūteavũ. ¹⁴No biaido me jājaro núvari đaido bateávũ cūrava urava parurivarā. Doce paiva cūrava cūteavũ. Diva cūravarā toivaino mateávũ ñuje āmiá ñuja doce paivũ ñai ovejajicū yávaiye méne beorī coyucōjeimara ñuje āmiá coapa. ¹⁵Ñai ángele yávayũ yure cuvateame cūinádo corevaiyo úruque đaiyore, corevacuyũ no ĩmarore, dicobeá jedevacobeare, aru biaidore máre. ¹⁶No ĩmaro yóvaicuvaitōbua cūteavũ. Caiye yóvaicuvaitōbua cūináturu bateávũ. Ũmujurō vaibóque cūináturu bateávũ. Ũi corevaiyede corevame no ĩmarore p̄camil doscientos paikilometros baju ūmujurōre, p̄camil doscientos paikilometros baju joarōre, aru p̄camil doscientos paikilometros baju urarōre

máre. ¹⁷No yóboi, corevame no biaidore máre. Yópe p̄vea ne corevaiyep̄e sesenta y cinco paimetros baju corevame no biaidore.

¹⁸No biaido đaino mateávũ jaspe āmicuriva cūrava bojecurivaque. Aru no ĩmaro đaino mateávũ úru me baju docucubeque. Que baru jivarupe paino ũbenita jári javaiyoino mateávũ. ¹⁹No ĩmaro jājaro núvari đaino mateávũ cūrava urava parurivarā. Aru divarā cūteavũ apeva bojecuriva meava baju. Doce paiva cūrava bojecuriva cūteavũ. Diva mamarumucava ĩmaro núrivarā jaspe āmicuriva bateávũ. Apeva cutuiva ĩmaro núrivarā zafiro āmicuriva bateávũ. Apeva cutuiva ágata āmicuriva bateávũ. Apeva cutuiva esmeralda āmicuriva bateávũ. ²⁰Apeva cutuiva ónice āmicuriva bateávũ. Apeva cutuiva cornalina āmicuriva bateávũ. Apeva cutuiva crisólito āmicuriva bateávũ. Apeva cutuiva berilo āmicuriva bateávũ. Apeva cutuiva topacio āmicuriva bateávũ. Apeva cutuiva crisoprasa āmicuriva bateávũ. Apeva cutuiva jacinto āmicuriva bateávũ. Aru diva piniducava ĩmaro núrivarā amatista āmicuriva bateávũ. ²¹Dicobeá doce paicobeá jedevacobeá đaino mateávũ perla āmicuriva bojecuriva cūravaque. Caicobeá jedevacobeá coapa cūináva perla āmicurivaque đaino mateávũ. Aru đima no ĩmaro urama đaino mateávũ úru me baju docucubeque. Que baru jivarupe paima, ũbenita jári javaiyoima, mateávũ.

²²No ĩmaroi jámetecacu Jūmenijicū cūramine. Caino no ĩmarore Jūmenijicū cūrami cubeteavũ. Maje jabocu Jūmenijicū parucu caivũ p̄eno cubi caino no ĩmaroi. Aru Cristo, ñai ovejajicu, máre cubi caino no ĩmaroi. Que baru Jūmenijicū cūrami jaubevu nore. ²³Aru jaubevu avíá aru avíá ñamicacũ máre ne p̄oiye nore. Jūmenijicū cue boje nore, urarō p̄oávũ no ĩmarore. Aru ñai ovejajicu p̄oibupe p̄oñume nore. Que baru avíá aru avíá

ñamicacu máre jaubema na nore.
 24 Caivu pøeva cainoa joborðacavu
 vaivárãjarama no ïmaro miadáeque.
 Aru caivu jabova davarãjarama caiye
 ne cavaede, ne tãuturare máre no
 ïmaroita. 25 Caijãravua no ïmaro
 jedevacobeá voaicobeá baquiyébu. Aru
 ñami cubequiyebu nore. Que baru
 no ïmaro jedevacobeá ye biebecobeá
 baquiyébu cainumua. 26 Caivu pøeva
 cainoa joborðacavu davarãjarama
 caiye ne cavaede, ne tãuturare
 máre no ïmaroita. 27 Òbenita ye
 ámeno cubequiyebu nore. Ye pøeva
 cuyojeda teivu aru borocurivu máre
 ecobenajarama nore. Quénora caivu
 ina cavarãjivu jãravu cãméjãravu
 baquinóre Jũmenijicucue ne ámiãre
 toivaiye báque boje ánitucubo, ñai
 ovejãicui paperatucuboi, ecorãjarama
 nore.

22 1 No yóboi, cojedeca ñai ángele
 jádovame yure cünánda jiare.
 Diya jia meada cojidiya etaivu no
 jabocui dobarõ mearore, Jũmenijicui
 dobarõre aru ñai ovejãicui máre ñi
 dobarõre jocarí. Diya jia apure ðaivu
 pøevare mamaũmeque. 2 Diya jia
 bejaivu ma urama coricai no ïmaro
 Jũmenijicui ïmaroi. Aru diya écaruai
 caiprcapũrvuai jocucua apure ðaicua
 cuvũ. Caaviava jẽjãravua eaivu. Que
 baru doce paitvaboa caijua coapa
 jẽidũare jivu dicuá jocucua. Aru
 dicuá jocucua yoca meadaivu caivu
 pøevare cainoa joborðacavure. 3 No
 ïmaroi ye cubequiyebu caiye iye
 jorojini járe ðaiye Jũmenijicure. Que
 baru ye ámeno ñãjine ðaino pøevare
 cubequiyebu nore. No jabocui dobarõ
 mearo, Jũmenijicui dobarõ aru ñai
 ovejãicui dobarõ máre, cuquiyebu
 no ïmarore. Aru Jũmenijicure
 memecaipøeva mearore jínajarama
 úre. 4 Òi jivare járajarama na. Aru
 ñi ámiãre toivaino maquiyébu ne
 tãtvãrã. 5 Ñami cubequiyebu nore.
 Maje jabocu Jũmenijicu miadáre
 ðacacuyume nócavure. Que baru
 jaubequiyebu náre pøoibua aru aviã

máre. Aru nócavu jabotenajarama
 jãravu cãméjãravu baquinóre.

**Juan ñi coyũino Jesucristo
 copaidacuyure ijãravui bediõva
 cojedeca**

(Jn 4.10, 14, 7.37; Ap 1.8, 17, 2.8)

6 Dinũmure ñai ángele, yóre arí,
 coyũáme yure:

—Iye ji yãvaiye métamu aru jávetamu
 máre. Maje jabocu Jũmenijicu, ñai
 majide ðayu bácu ina ñi yãvaiyede
 coyũcaipøevare, daroáme yure ñi
 ángelede, ñi jádovayuiyere ayu úre
 memecaivure iye vaiquíye jauéde
 maumejiena, áme ñai ángele yure.

7 Aru Jesúvacari yóre aibi:

—Jãjacu. Maumejiena dacuyumu
 yũ. Torojurãjarama caivu me jápiarí jũ
 aivu caiye iye Jũmenijicui yãvaiyede
 coyũcaiyede toivaiye báquede itucubo
 paperatucuboi, aibi Jesús.

8 Yũ, Juan, jápiacacu aru jácacu caiye
 iye ji toivaiye báquede. Diede jápiarí
 aru járiburu yóboi, ñatutacacu yũ ñai
 ángele ñi cuboba yebai, ñai jádovauũ
 mácu yure caiye iyede, mearore
 jíyurĩduyu úre. 9 Òbenita yóre arí, yure
 mearore jícojemeteteame úre:

—Que ðabejacu mu. Yũ máre
 memecayubu Jũmenijicure mũpedeca
 aru mívũpe páyu máre, ina Jũmenijicui
 yãvaiyede coyũcaipøeva, aru nápe
 paivu máre, caivu ina me jápiarí jũ
 aivu caiye iye toivaiye báquede itucubo
 paperatucuboi. Que baru maje jabocu
 Jũmenijicure cünácũra mearore jíjacu
 mu, áme yure.

10 Aru yóre arí, coyũáme yure
 cojedeca:

—Joabejĩnotamu vaiquino yóre
 iye toivaiye báquepedeca ditucubo
 paperatucuboi. Que baru yavebejacu
 pøevare jocarí caiye iye Jũmenijicui
 yãvaiyede coyũcaiyede toivaiye báquede
 itucubo paperatucuboi. 11 Dinũmure caiye
 iye nópe vaiquĩnũmũre, ácu pøescu ámesu
 baru, ámenore ðare nuíye javuũ úre. Aru
 ácu pøescu ámesu baju baru, ámeno bajure
 ðare nuíye javuũ úre. Ácu pøescu meacu

baru, mearore ðare nuiye jāvuv ĩre. Aru ácu pōescu meacu baju baru Jūmenijicure ũi memecaiye boje, mearo bajure ðare nuiye jāvuv ĩre, áme yure ñai ángele.

¹²Bedióva cojedeca Jesús, yópe arĭ, coyáame:

—Jájacu. Maumejiena dascnyumu yu. Davascnyumu caivu pōevare ne bojede, bojedascnyu caivure yópe ne ðaiye báquepe náre coapa. ¹³Yūrecabu mamarumtascu aru yóbocacu máre. Yūrecabu cscu básu caiyede cuedaquiye jipocai aru cuscnyu caiye cūinfburu yóbore. Aru yūrecabu býu básu, bubayu máre. Que baru cnyu yu cainmua.

¹⁴Torójurājarama caivu ji meadaimara ne ámene jaruvaiye báque boje yópe ne jaruvaiyepere docure ne joaiyede ne cuítotecajeare. Nárecabu áicōjeimara mārājivu dicu joscscu apure ðaicu jēidure. Aru nárecabu eicoījeimara mārājivu no ĩmaro jedevacobeai. ¹⁵Ūbenita no ĩmaro jedevai mautenajarama caivu ina ámena baju, ina yaviéde ðaivu, ina ámeina ðaivu apenvque némarebucnva ámevque, ina pōevare boarĭ jaruvaiyu, ina mearore jĭvu pēpeimarare, aru ina borocurĭ jujovaiyurivu apenvure máre, áme Jesús.

¹⁶Aru yópe arĭ, coyáame Jesús cojedeca:

—Yu, Jesús, darocacu ñai ángelede, ũi coyquiyepere ayu caiye iyede mujare, yure ju aivure, mije cójjinoai. Yūrecabu ñai jabocu David básu pāramescu. Aru yūrecabu ñai abíacorū pēoñu miadāre dayu, áme Jesús.

¹⁷Ñai Espírиту Santo “Dajacu”, ayube Jesúsre. Aru ico ovejajicūi máreparo

“Dajacu”, adobe Jesúsre. Aru caivu ina jápiaivu diede “Dajacu”, ajarāri na máre. Yópe cūinōimara ne pare ũcuiyepere ocore, nopedeca mija nuiyurivu baru Jūmenijicūi curōi, pare ujarā Jesúsre. Ūtame yópe oco apure ðaiocope. Caivu ĩre urivu Jūmenijicūi cure ðaimara marajárama ũi curō mearoi cainmua bojecubeda.

¹⁸Yu, Juan, mearo ðaicōjeivū paredca caivu ina jápiaivure caiye iye Jūmenijicūi yávaiyede coyucaiyede toivaiye báquede itucubo paperatucuboi. Pōescu ũi toivaru arejĭene epecnyu iyeque, Jūmenijicū pueno baju ñájine ðascnyume ĩre iye ñájiovaiyepere, coyuiye báquede ditucubo paperatucuboi. ¹⁹Aru pōescu ũi tūreni jaruvuru arejĭene itucubo paperatucuboquede, iye Jūmenijicūi yávaiyede coyucaiyede toivaiye báquede, Jūmenijicū ĩre áicōjemescnyume apure ðajjocscu jēidure. Que baru me curĭ byojabescnyume Jūmenijicūque cainmua. Aru Jūmenijicū cūicōjemescnyume ĩre no ĩmaro mearo bajure. Dicu joscscurā aru diīmarora máre coyūino mateávū itucubo paperatucuboi.

²⁰Ñai caiye diede coyuyū aibi:

—Maumena dascnyumu, aibi.

Que bajaróri. Mū, maje jabocu Jesús, dajacu.

²¹Maje jabocu Jesucristo mearo ðacajacurĭ mujare bojecubeda ũi me boje. Quédecabu. Quénoramu.